


續文獻通考

百三十九之四十一

漢書門			
二	四	三	一
八	一	三	一
一	四	三	一
冊	架	函	號

庫文閣内			
五	二	四	漢
四	八	三	書
一	一	一	
三	冊	號	類

内閣文庫			
番號	漢	2431	
冊數	81 (47)		
函號	294	13	



綴じ部(喉部分)の文字など開きが不鮮明な箇所あり

續文獻通考卷之一百三十九

淺草文庫

皇明進士雲間王圻纂輯

謚法考 晉群胡逆臣宋南齊

晉諸臣謚

驃騎將軍錄尚書事散騎常侍博陵縣公王沉字處道太

原晉陽人武帝泰始二年謚元



太保睢陵公王祥字休徵琅琊臨沂人世祖泰始六年謚

元 上洛太守睢陵侯王馥祥之子武帝咸寧初謚孝

光祿大夫即丘子王覽字玄通祥弟咸寧四年謚貞

丞相始興郡公王導字茂弘覽之孫咸帝咸和五年謚

文獻



晉自漢魏以來賜謚多由封爵雖位通德重先無爵者例不加謚導乃疏言武官有爵必謚卿校常伯無爵不謚甚非制度之本意自後公卿無爵而謚導所議也

中書侍郎王悅字長豫導子先導卒謚貞 散騎常侍

贈中軍將軍即立子王恬字敬豫導次子謚憲 建威

將軍吳國內史贈車騎將軍王邵字敬倫導子謚簡

揚州刺史錄尚書事贈侍中司徒王謚字稚遠本邵子

以後協義熙三年謚文恭 散騎常侍贈車騎將軍開

府王珣字元琳導孫洽子謚獻穆 撫軍將軍會稽內

史贈車騎大將軍儀同三司彭澤侯王舒字處明導從

弟謚穆 衛將軍會稽內史番禺縣侯王允之字深猷

舒子咸康末謚忠 輔國將軍散騎常侍贈侍中 驃騎

將軍武陵縣侯王廙字世將導從弟明帝時謚康 尚

書右僕射贈特進衛將軍散騎常侍關內侯王彬字世

儒廙弟謚肅 護軍將軍散騎常侍贈光祿大夫儀同

三司王彪之字叔虎彬次子太元二年謚簡 中書令

贈侍中特進光祿大夫太宰王獻之字子敬導族孫安

僖皇后父謚憲

陵江將軍贈使持節安南將軍武陵太守追封西鄂侯羅

憲字令則襄陽人泰始六年謚烈

司空鉅鹿郡公裴秀字季彥聞喜人泰始七年謚元 尚

書左僕射侍中裴頠字逸民秀第三子惠帝時謚成

中書令侍中光祿大夫開府儀同三司臨海侯裴楷字叔則謚元 散騎常侍臨海侯裴輿字祖明楷子謚簡

司徒樂陵侯石苞字仲容南皮人泰始八年謚武

司空儀同三司安成鄉侯鄭袤字林叔滎陽開封人泰始

九年謚元 光祿勳鄭默字思玄袤子武帝大康元年

謚成 贈金紫光祿大夫平壽公鄭球字子瑜默子永

嘉二年謚元

大傅壽光公鄭冲字文和開封人泰始十年謚成

侍中太尉臨淮公荀顗字景倩潁川人魏太尉彧之第六

子泰始十年謚康 尚書令贈司徒濟比郡公荀勗字

公曾潁川潁陰人漢司徒爽曾孫太康十年謚成 衛

尉荀勗子勗子謚簡 勗子駿謚烈 留臺太尉贈太保

荀藩字公堅勗第二子愍帝建興元年謚成 尚書贈

光祿大夫荀邃字道玄藩子謚靖 侍中尚書射陽公

贈衛尉荀閻字道明藩子太寧二年謚定 太尉領太

子太保荀組字大章勗第三子永熙初謚元 散騎常

侍侍中贈太僕荀奕字玄欣組子咸和七年謚定

太常卿觀陽伯華表字偉容平原高唐人咸寧元年謚康

光祿大夫開府儀同三司觀陽伯華廙字長駿表長

子惠帝時謚元 太常贈左光祿大夫開府花陵縣侯

華恒字敬則廙子成帝時謚敬 秘書監加散騎常侍

贈少府樂鄉侯華嶠字叔駿表第三子元康三年謚簡

司隸校尉追封清泉侯傅玄字休奕北地宜陽人咸寧四年謚剛 贈司隸校尉清泉侯傅威字長虞玄子元康四年謚貞

衛將軍開府儀同三司大梁侯盧欽字子若范陽涿人咸寧四年謚元

司空朗陵公何曾字穎考陽夏人咸寧四年禮官議謚謬 醜帝賜謚孝太康末子邵自表改謚元 博士秦秀議

太宰何曾雖皆世族之胤而少以高亮嚴肅顯登王朝 事親有色養之名在官奏科尹之模此二者定得臣子

事上之槩然資性驕奢不循軌則暨乎耳順之年身兼 三公之位食大國之租荷保傅之貴執司徒之均二子

皆金貂卿校列于帝側方之古人責深負重雖與門盡 死猶不稱位而乃驕奢過度名被九域行不履道而享

位非常穢皇代之美壞人倫之教生天下之醜示後世 之傲莫大于此自近世以來宰相輔臣未有受垢辱之

聲被有司之劾父子塵累而蒙恩貸若曾者也按謚法 名與寔爽曰謬胡亂肆行曰醜曾之行也並與此同宜

謚謬醜公帝不從謚曰孝 特進尚書左僕射贈司徒何辟字敬祖曾之子惠帝永

寧元年謚康 太傅鉅平侯羊祜字叔子南城人咸寧時謚成

前將軍監青州諸軍事青州刺史贈使持節都督青州諸

續文獻通考 卷之三百三十九 四百廿八

軍事鎮東將軍平春侯胡威字伯武一名貌淮南壽春人太康元年謚烈

司徒廣陵侯李胤字宣伯襄平人太康三年謚成

使持節都督秦涼二州諸軍事侍中車騎將軍魯公賈充字公閭平陽人太康三年謚武 充老病自憂謚傳從

子模曰是非父自見不可掩也卒後無嗣妻郭槐以外孫韓謚爲世孫及太常議謚博士秦秀曰充悖禮溺情以亂大倫昔鄆養外孫莒公子爲後春秋書莒人滅鄆絕父祖之血食開朝廷之亂源按謚法昏亂紀度曰荒請謚荒公晉主更曰武 侍中光祿大夫贈車騎將軍開府儀同三司賈模字思範充從子賈后時憂讒而卒

謚成

司徒侍中新沓伯山濤字巨源河內懷人太康四年謚康撫軍大將軍開府儀同三司加特進襄陽侯王濟字士治弘農湖人太康六年謚武

尚書平陵男郭奕字大業陽曲人大康八年謚簡 初有司議郭奕謚景與景帝同請改謚曰穆詔賜謚曰簡孝武大元四年光祿勳王欣之援周制謂郭奕不宜改謚徐邈奏郭奕改謚不以犯嫌武帝永平元年詔書貴賤不嫌同謚周公謚文君父同稱名行不殊謚何得異尚書奏文武舉其一致聖賢有時而同宜如王欣之所陳詔可

安南將軍廣州牧武當侯騰修字顯先西鄂人太康九年
謚忠 初太常謚修曰聲修之子疏言亡父修羈縶吳
壤為所驅馳幸逢開通沐浴至化得從俘虜握戎馬之
要未覩聖顏委南藩之重實由勲勞少聞天聽故也年
衰疾篤屢乞骸骨未蒙垂哀奄至薨隕臣承遺意輿觀
還都瞻望雲闕寔懷痛裂竊聞博士謚修曰聲直彰流
播不稱行蹟不勝愚情冒昧聞訴帝乃賜謚忠 平南
將軍廣州刺史夏陽縣開國侯騰含修孫謚戴
散騎常侍郵城公曹志字元恭故魏陳思王庶子大康九
年謚定

司隸校尉特進贈征南大將軍開府儀同三司當陽侯杜

預字元凱杜陵人太康時謚成 丹陽丞當陽侯杜乂
字弘理預孫成恭皇后父咸康初謚穆

侍中尚書太常劉智字子房高唐人太康末謚成 特進
光祿大夫開府儀同三司太尉循陽侯劉寔字子直智
兄永嘉中謚元

特進散騎常侍輔國大將軍開府儀同三司甘露亭侯羊
琇字稚舒景獻皇后從父弟泰山南城人武帝時謚成
特進光祿大夫贈大保祁侯李熹字季和銅鞮人武帝時
謚成

左僕射左光祿大夫開府儀同三司薛縣侯武陔字元夏
沛國竹邑人武帝時謚定

右光祿大夫儀同三司司徒劇陽子魏舒字陽元樊人惠
帝永熙元年謚康

大司馬贈大傅高平公陳騫東陽人惠帝元康二年謚武
尚書左僕射領軍持節西戎校尉錄尚書事雍州刺史翹
允金城人愍帝為劉聰幽辱允發憤自殺聰嘉其忠烈
偽謚節愍

太尉昌安縣侯石監字林伯厭次人元康初謚元

太保蘭陵公衛瓘字伯玉安邑人元康元年謚成 瓘與

太宰亮等俱為賈后所殺瓘女與國人書曰先公名謚
未顯一國無言春秋之責其咎安在劉繇搗登聞鼓訟
瓘寃乃復瓘爵位謚曰成 黃門郎贈長沙校尉蘭陵

世子衛恒字巨山瓘之子謚貞

太子少傅散騎常侍光祿大夫贈金紫上蔡伯和嶠字長
輿汝南西平人元康二年謚簡

前將軍上庸縣侯唐彬字儒宗魯國鄒人元康四年謚襄
侍中司徒錄尚書事京陵公王渾字玄冲太元晉陽人元

康七年謚元 司徒安豐侯王戎字濬冲渾子永興二
年謚元 軍諮祭酒王澄字平子戎弟為敦所害明帝
時敦平追謚憲 散騎常侍尚書令征虜將軍贈侍中

驃騎將軍開府藍田縣侯王述字懷祖渾從孫太和五
年謚穆避穆帝諱改謚簡 中書令都督徐兖青三州
刺史贈安北將軍藍田侯王坦之字文度述子謚獻

建武將軍荊州刺史贈右將軍王忱字元達坦之子謚穆廬陵太守王嶠字開山述族子咸和時謚穆

行討虜護軍平陽太守贈散騎常侍李重字茂魯鍾武人永康初謚成

左僕射鎮東大將軍開府儀同三司贈車騎將軍夏陽子胡奮字玄威臨涇人惠帝時謚壯

後將軍王愷字君夫文明皇后弟東海郟人惠帝時謚醜光祿大夫劉頌字子雅廣陵人惠帝時謚貞

游擊將軍贈司空安樂亭侯索靖字幼安敦煌人永安末謚壯

左光祿大夫開府領司徒大陵縣公溫羨字長卿太原祁

人懷帝時謚元 驃騎將軍開府儀同三司贈侍中始

安郡公溫嶠字太真羨弟之子明帝時謚忠武

侍中贈太尉光祿大夫弋陽侯嵇紹字延祖魏中散大夫

康之子元帝時謚忠穆 紹為博士時太尉廣陵公陳

準薨太常奏謚紹駁曰謚號所以垂之不朽大行受大

名細行受細名文武顯於功德幽厲表於閭蔽自頃禮

官協請謚不依本準謚為過宜謚為謬事下太常持雖

不從朝廷憚焉後紹死蕩陰之難故以忠穆為謚 平

越中郎將廣州刺史稽含字君道紹從子為劉弘司馬

郭勵所害懷帝初謚憲

贈平西將軍周處字子隱義興陽羨人元帝為晉王時謚

孝 處死于萬年之亂元帝時將加處策謚太常賀循
議曰處履德清方才量蓋世歷守四郡安人立政入司
百僚貞節不撓在戎致身見危授命此皆忠賢之茂實
烈士之遠節按謚法執德不回曰孝遂以為謚 建武
將軍軍諮祭酒贈輔國將軍烏程公周玘字宣佩處子
謚忠烈

左光祿大夫開府儀同三司贈司空賀循字彥先山陰人
大興二年謚穆

梁州刺史贈征西將軍尋陽縣侯周訪字士達本汝南安
成後家尋陽大興三年謚壯 鎮西將軍贈征西將
軍建城公周撫字道和訪子哀帝興寧三年謚襄 冠

軍將軍建城公周楚字元孫撫子廢帝太和中謚定

少府丹陽尹侍中中護軍贈金紫光祿大夫西平侯周謨
汝南安成人謚貞 太子少傅吏部尚書護軍將軍贈

左光祿大夫儀同三司周顥字伯仁謨兄為王敦所害

謚康 護軍領秘書監贈金紫光祿大夫周閔字子騫

顥子謚烈

散騎常侍贈侍中驃騎將軍開府儀同三司嘉興公顧榮

字彥先吳郡人元帝時謚元 領軍將軍贈特進光祿

大夫鄱陽縣伯顧衆字長始榮族弟永和二年謚靖

左光祿大夫儀同三司散騎常侍尚書令贈侍中司空

顧和字君孝衆之族子永和七年謚穆

武昌太守贈征虜將軍秦州刺史平阿縣侯趙誘字元孫
淮南人元帝時謚敬

侍中太尉廣武侯劉琨字越石中山魏昌人為段匹磾所
害元帝時謚閔 贈驃騎將軍定襄侯劉輿字慶孫琨

兄洛陽未敗時卒謚貞

秘書監贈光祿大夫散騎常侍都亭侯華譚字令思廣陵
人元帝時謚胡

國子祭酒贈大鴻臚杜夷字行齊廬江濳人明帝太寧元
年謚貞

鎮南大將軍侍中都督贈驃騎將軍于湖侯甘卓字季思
丹陽人太寧中追謚敬

驃騎將軍常侍贈開府儀同三司臨湘縣侯紀瞻字思遠

林陵人明帝末謚穆

尚書右僕射散騎常侍銀青光祿大夫贈左光祿大夫儀

同三司建安伯諸葛恢瑯琊陽都人成帝初謚敬

護軍將軍安樂伯陶回丹陽人咸和二年謚威

右光祿大夫開府儀同三司錄尚書事秘書監贈侍中平

樂伯荀崧字景猷臨穎人咸和三年謚敬

平南將軍江州刺史贈觀陽縣侯征南大將軍儀同三司

應詹字思遠汝南南頓人咸和六年謚烈

都督江荆豫益梁雍六州諸軍事領豫荆江三州刺史儀

同三司贈太尉永昌公庾亮字元規明穆皇后之兄鄢

陵人咸康六年謚文康 輔國將軍豫州刺史西中郎
將贈衛將軍廣饒男庾懌字叔豫亮弟穆帝時謚簡
車騎將軍贈侍中司空庾永字季堅懌弟穆帝時謚忠
成 征西將軍領南蠻校尉贈車騎將軍都亭侯庾翼
字稱恭永弟永和元年謚肅
按亮以外戚輔幼主任法裁物頗失衆心至剪除宗室
激叛蘇峻陶侃謂朝政多門喪亂有自蓋指亮耳後遷
武昌輕信趙胤賈寧卒致邾城之陷竟以憂死懌初監
秦州誤用霍佐七奔石季龍遣貶爵秩逮鎮無湖鴟殺
汝州刺史王允之成帝曰大舅已亂天下小舅復爾則
文康與簡二謚殆未協輿論也

長史贈太常咸亭侯謝鯤字幼輿陽夏人明帝時謚康
鎮西將軍散騎常侍衛將軍贈開府儀同三司咸亭侯
謝尚字仁祖鯤之子升平初謚簡 太保贈太傅廬陵
郡公謝安字安石尚從弟謚文靖 會稽內史贈侍中
司空望蔡公謝琰字瑗度安子與二子肇峻俱死孫恩
之難安帝時謚忠肅 散騎常侍左將軍會稽內史贈
車騎將軍開府儀同三司康樂縣公謝玄字幼度安兄
奕子謚獻武 散騎常侍衛將軍贈司空南康郡公謝
石字石奴安弟謚襄 石無他才望而聚斂無厭范弘之
請謚襄墨朝議不從單謚曰襄
左光祿大夫開府儀同三司衛將軍贈侍中車騎大將軍
江陵公陸曄字士光吳郡人咸和中謚穆 侍中司空

續文獻通考 卷之三百三十九
興平伯陸玩字士瑤曄弟謚康

侍中太尉贈大司馬長沙郡公陶侃字士行本鄱陽人徙家尋陽咸和七年謚桓 散騎常侍贈大鴻臚都亭侯

陶瞻字道真侃子為蘇峻所害謚愍悼 南郡太守贈

平南將軍當陽亭侯陶琰字彥遐侃兄子謚肅

護軍將軍散騎常侍贈衛將軍長平縣伯褚翼字謀遠陽

翟人咸康七年謚穆 征北大將軍贈侍中太傅都鄉

亭侯褚裒字季野康獻皇后父翼從父弟永和五年謚

元穆

領軍將軍給事中贈侍中驃騎將軍開府儀同三司咸陽公卞壺字望之宛句人死于蘇峻之難咸康時謚忠貞

尚書贈光祿大夫少府散騎常侍安陵亭侯卞敦字

仲仁壺從兄謚敬

侍中右衛將軍贈衛尉原鄉亭侯劉超字世瑜瑯琊臨沂人為蘇峻所害咸康時謚忠

國子祭酒散騎常侍贈光祿大夫長合鄉侯袁瓌字山甫

襄陽人成帝時謚恭 龍驤將軍江夏相贈益州刺史

湘西伯袁喬字彥叔瓌子謚簡

驃騎將軍贈右光祿大夫儀同三司戴淵字若思廣陵人

為王敦所害謚簡 尚書僕射贈衛將軍戴邈字望之

淵弟謚穆

鎮軍將軍會稽內史散騎常侍贈車騎將軍開府儀同三

司餘不亭侯孔愉字敬康會稽山陰人咸康八年謚貞
永安伯孔沉字德度愉從子謚簡 散騎常侍贈光
祿勳晉安男孔坦字君平愉從子謚簡

右光祿大夫開府儀同三司侍中衛將軍贈左光祿大夫
武昌侯虞潭字思奧餘姚人康帝時謚孝烈

左光祿大夫國子祭酒散騎常侍贈侍中永安伯丁潭字
世康會稽山陰人康帝時謚簡

驃騎將軍錄尚書事贈司空都鄉侯何充字次道廬江潛
人永和二年謚文穆

散騎常侍贈太常萬寧縣男桓彝字茂倫龍亢人死蘇峻
之難賊平謚簡 都督司豫二州軍事領鎮蠻護軍四

陽太守贈平南將軍萬寧男桓雲字雲子彝子穆帝升
平四年謚貞 車騎將軍侍中太尉豐城公桓冲字幼

子彝子謚宣穆 征西大將軍贈司空桓豁字子朗雲
弟謚敬 建威將軍江州刺史江夏相贈南中郎將桓

嗣字恭祖冲子謚靖
光祿勳贈特進光祿大夫散騎常侍王遐字桓子簡順皇

后父太康晉陽人孝武寧康初謚靖
侍中太尉贈南昌縣公郗鑿字道徽高平金鄉人謚文成

冠軍將軍會稽內史贈侍中司空南昌公郗愔字方
回鑿長子太元九年謚文穆 建威將軍贈北中郎將

東安縣開國伯郗曇字重熙鑿次子謚簡



侍中庾珉字子琚潁川鄆陵人太元末謚貞

給事中領著作庾闡字仲初潁川鄆陵人謚貞

平北將軍交青二州刺史贈侍中太保王恭字孝伯以反

死桓玄執政表謚忠簡

都督江荆等八郡軍事鎮南將軍安城郡公贈侍中司空

何無忌東海郟人盧循之亂無忌握節而死義熙初謚

忠肅

輔國將軍交青二州刺史領南蠻校尉贈太常散騎常侍

江陵縣公魏詠之字長道任城人義熙時謚桓

荊州都督贈新城郡公劉弘字和季沛國相人元熙元年

謚元

安北將軍徐交二州刺史贈散騎常侍都鄉侯范汪字玄

平南昌順陽人謚穆

冠軍侯郭彰字叔武太原人謚烈

侍中國子祭酒西平侯顏含字弘都瑯琊華人謚靖

大常昌國縣侯任愷字元褒樂安人謚元

左光祿大夫開府儀同三司贈侍中司空濟陽男蔡謨字

道明陳留考城人謚文穆 博士曹毗定謚曰穆司徒

左長史孔嚴與王彪之書曰穆誠美謚然蔡公德業既

重又先帝師傅居總錄任則是參二宰相也考行定名

不可不詳彪之答曰按謚法布德執義曰穆名曰殊爲

不輕泰始張皇后太寧庾皇后並謚曰穆魏司空陳泰

王景賀循皆名士也亦謚曰穆又中朝及中興曾居師
傅及錄臺事者亦皆不復謚如山李二司徒吾族父安
豐侯戎近賀司空循荀太尉顓周光祿覬是已吾謂此
謚弘美不宜翻改遂止

散騎常侍安南將軍南夷校尉寧州刺史褒中縣公王遜
字邵伯魏興人謚壯

護國將軍贈右將軍散騎常侍永修縣侯桓伊字叔夏譙
國鉅人謚烈

右將軍西蠻校尉益州刺史領建平大守贈中軍將軍建
安侯毛穆之字憲祖陽武人謚烈

贈車騎將軍務亭侯楊文宗武元皇后父弘農華陰人謚
穆自安北將軍至此謚時未詳

尚書右僕射冀州刺史安邑公薛興謚壯 梁州刺史薛
濤興子謚忠惠 地與謚時俱未詳

晉異姓王謚
前涼西平郡公張軌字士彥安定烏氏人張耳十七代孫

謚武 軌子實字安遜太興三年卒私謚昭元帝賜謚
元 實弟茂字成遜咸和初卒私謚成 實子駿字公

庭永和時卒私謚文穆帝追謚忠成 駿子重華字泰
臨永和二年始自稱持節大都督太尉護羌校尉涼州

牧河西公假梁王升平初卒私謚昭又改桓穆帝賜謚
敬烈 重華子曜靈字元舒為伯父祚所弑私謚哀

重華度子玄靚字元安寧康初卒年十四私謚冲孝武賜謚哀

前凉天水太守衛將軍贈武衛將軍安西亭侯李弇建初
中追謚景弇本名良以妻姓梁張駁謂子孫當避熈故改

弇子景字仲堅建初中追謚簡

後凉公李暠字玄盛小字長生隴西成紀人景之子李廣
十六世孫在位十三年薨國人私謚武昭唐天寶二年

追號興聖皇帝 暠子讓字士遜謚穆 暠孫寶字懷

素晉大安五年謚宣

右西平公稱前凉凉公稱後凉二凉累世修藩臣禮故
晋史著于列傳而貴與通考亦列于宗室王之後為異

姓王余今因之

群胡君臣偽謚

後凉吕光字世明畧陽氏人仕苻堅封都亭侯堅死自稱

凉州牧晋大元二十一年僭即天王位隆安二年死謚

懿武皇帝廟號太祖 光庶長子纂字承緒晋隆安四

年僭號元興元年為吕超所殺吕隆篡位謚為靈皇帝

光子紹嗣位未幾為纂所奪以纂咸寧元年謚隱王

光弟寶以隆神鼎元年追謚文皇帝 光高祖劼以

光麟嘉時追謚敬公 光祖劼以麟嘉時追謚宣公

光父婆樓以麟嘉時追謚景昭王母曰昭烈妃

南凉秃髮烏孤鮮卑人晋隆安元年自稱大都督大將軍

大單于西平王段業僭號拜涼州牧尋死在王位三年
謚武廟號烈祖 烏孤弟利鹿孤以隆安三年即位居
三年死謚康 利鹿孤弟禘檀以晉元興元年嗣位在
位十三年死謚景

北涼沮渠蒙遜臨松盧水胡人晉義熙八年僭即河西王
位魏泰武時拜涼州牧涼王在位二十三年死謚武宣
王廟號永祖 蒙遜諸子牧犍為魏太武所殺葬以王
禮謚哀

前趙劉淵字元海新興匈奴人冒頓之後咸熙初為任子
于洛陽太康末拜北部都尉成都王穎拜為大單于永
興元年僭即漢王位永嘉二年僭號四年死謚光文皇

帝廟號高祖 淵子聰字玄明殺其兄和襲位晉太興
元年死謚昭武皇帝廟號烈宗 妻劉娥謚武宣王后

姊英謚武德皇后 淵族子曜字永明晉大興元年
僭號改元光初十年而死 妻卜氏謚元悼皇后 劉

氏謚獻烈皇后 羊氏謚獻文皇后 羊氏即晉之惠后
也 曜高祖亮光初元年謚景皇帝 曜曾祖廣光初

元年謚獻皇帝 曜祖防光初元年謚懿皇帝 曜父
考光初元年謚宣成皇帝 母胡氏謚宣明皇太后

後趙石勒字世龍上黨武鄉羯人晉太興二年偽稱趙王
咸和五年僭號改元建平咸和七年死謚明皇帝廟號

高祖 勒從子虎字季龍弒勒子弘而自立稱居攝趙



天王晉永和五年僭號太和六年死石遵篡位謚為武
皇帝廟號太祖 勃高祖以建平元年追謚順皇 勃
曾祖以建平元年追謚威皇 勃祖邪以建平元年追
謚宣皇 勃父周以建平元年追謚元皇帝廟號世宗
妣追謚元昭皇太后 虎祖芻邪以即偽天王元年
追謚武皇帝 虎父寇覓以即偽天王元年追謚孝皇
帝廟號太宗

偽右長史大執法濮陽侯贈散騎常侍右光祿大夫張賓
字孟孫趙郡中丘人石勒時謚景

魏冉閔字永曾魏郡內黃人初為石虎養孫姓石晉永和
六年盡殺石氏子孫僭號改國曰大魏復姓冉後為慕

容儁所殺太和八年儁復謚為武悼天王 閔祖隆以
永興元年追謚元皇帝 閔父瞻以永興元年追謚高
皇帝廟號烈祖

夏赫連勃勃匈奴右賢王去卑之後而劉淵之族子僭號
十四年以末元嘉二年死謚武烈皇帝廟號世祖 勃

勃高祖訓兒以真興元年追謚元皇帝 勃勃曾祖武
以真興元年追謚景皇帝 勃勃祖豹子以真興元年

追謚宣皇帝 勃勃父衛辰以真興元年追謚桓皇帝
廟號太祖 母符氏謚桓文皇后

後蜀李特字玄休巴蜀宕渠人初以流人入蜀益州刺史
趙廞之反特討而誅之拜宣威將軍封長樂鄉侯太安



續文獻通考卷之三百五十九
元年自稱益州牧後與羅尚戰敗被殺雄僭號追謚景
皇帝廟號始祖 特子雄字仲雋晉永興初僭號咸和
八年死謚武皇帝廟號太宗 雄子期字世運初雄死
兄子班嗣班為雄子越所弒因踐位後李壽廢為邛都
縣公幽之別宮以晉咸康三年自縊死謚幽 特弟流
字玄通始朝廷以討趙廞功拜奮威將軍封武陽侯特
死流自稱益州牧後病死雄僭號追封秦王謚文 雄
曾祖武以建興元年追封巴郡公謚桓 雄祖慕以建
興元年追封隴西王謚襄 李驤以漢興元年追謚獻
皇帝 驤子壽字武考晉咸康四年僭號八年死謚昭
文帝廟號中宗

前燕慕容廆字奕洛棘城鮮卑人晉武帝時拜為鮮卑
督元帝時拜監平州諸軍事安北將軍平州刺史尋加
使持節都督幽州東夷諸軍事車騎將軍平州牧遼東
公咸和八年卒贈大將軍開府儀同三司謚襄雋僭號
追謚武宣皇帝廟號高祖 廆第三子皝字元真太寧
末年封為朝鮮公已嗣廆位成帝時拜大將軍封燕王
永和四年卒雋僭號追謚文明皇帝廟號太祖 妻蘭
氏慕容垂之母垂偽建興元年追謚文昭皇后 皝子
雋字宣英永和五年即燕王位八年僭號升平四年死
謚景昭皇帝廟號烈祖 昭儀段氏慕容垂時謚景德
后 雋子晞字景茂升平四年即位後為苻堅所殺慕

容德僭號謚幽皇帝 雋太子曄以雋元璽時死謚獻
懷

後燕慕容垂字道明皝第五子雋僭號時封吳王奔符堅

為冠軍將軍封宿都侯晉太元十一年即位二十年死

謚成武皇帝廟號世祖 垂子寶字道祐垂死之年嗣

位隆安三年為蘭汗所弒謚惠愍皇帝廟號烈祖 寶

子盛字道運寶死嗣位隆安五年死謚昭武皇帝廟號

中宗 垂少子熙字道文盛死嗣位六年為高雲所弒

謚文皇帝 昭儀符氏以偽光始時死謚愍皇后 寶

養子雲字子雨本姓高氏既弒熙僭即天王位為幸臣

離班等所弒謚惠懿皇帝 盛伯父全以偽建平時追

謚獻莊皇帝 妻丁氏謚獻莊皇后 盛太子策以偽

建平時追謚獻哀 贈太宰符謨符氏父偽光始時謚

文獻

南燕慕容德字玄明皝之少子雋僭號封為梁公後遂僭

即皇帝位以晉義熙元年死謚獻武皇帝 德兄納晉

義熙三年子超僭號追謚穆皇帝

北燕馮跋字文起長樂信都人以晉義熙五年僭稱天王

至宋元嘉七年因中山公弘之變驚遽而死謚文成皇

帝廟號太祖 跋少弟弘字文通初封中山公殺偽大

子翼自立宋元嘉十五年為高麗所殺謚昭成皇帝

跋祖和以偽太平元年追謚元皇帝 跋父安以偽太

平元年追謚宣皇帝

前秦苻洪字廣世畧陽臨渭氏人永和六年拜征北大將軍冀州刺史廣川郡公已自稱大將軍大單于三秦王為麻秋所鴆健僭號謚惠武帝 洪子健字建業永和八年僭號十二年死謚明皇帝 健子生字長生永和十一年僭號二年苻堅廢為越王殺之謚厲王 洪子雄字元才堅偽永興元年追謚文桓皇帝 雄子堅字永固升平元年僭號太元十年為姚萇縊死不僭號謚宣昭皇帝廟號世祖呂光又謚為文昭皇帝 堅子丕字永叙太元十年僭號二年死謚哀平皇帝 堅族孫登字文高太元十一年僭號十九年為姚興所殺子崇

僭號謚為高皇帝廟號太宗 使持節侍中都督中外諸軍事丞相錄尚書苻法堅異母兄堅母忌而殺之謚哀 征南大將軍開府儀同三司贈大司馬苻融字博休堅之弟謚哀

司徒贈丞相侍中清河縣侯王猛字景畧北海劇人謚武始平郡太守贈車騎大將軍儀同三司徐嵩字元高苻登時謚忠武

贈太師王嘉善卜堅謚文

後秦姚弋仲南安赤亭羌人永和七年拜使持節六夷大都督都督江淮諸軍事車騎大將軍儀同三司大單于高陵郡公八年卒萇僭號追謚景元皇帝廟號始祖

弋仲子萇字景茂以太元十一年僭號十八年死謚昭武皇帝廟號太祖 萇子興字子畧太元十九年僭號義熙十二年死謚文桓皇帝廟號高祖 弋仲子襄字景國自稱大將軍大單于晉升平元年戰敗為符堅所殺萇僭號追封魏王謚武

輔國將軍司隸校尉尚書右僕射清河侯尹緯字景亮天水人永興時謚忠成

右光祿大夫左戶尚書薛驍謚宣

西秦乞伏國仁隴西鮮卑人以晉武太元十年自稱大都督大將軍大單于領秦河二州牧十三年死謚宣烈王廟號烈祖 國仁弟乾歸嗣國仁為大都督大將軍大

單于河南王晉義熙三年僭稱秦王六年為兄子公府所弑謚武元王

仇池公楊定謚武 定子盛謚惠文 盛子玄謚孝昭 逆臣偽謚

桓温字元子萬寧簡男燮之子仕晉為大司馬封南郡公 孝武時卒玄偽永始元年追謚宣武皇帝廟號太祖 妻南康公主謚宣皇后 桓玄字靈寶温之子義熙初益州督護馮遷殺之逆徒謚為武悼皇帝

宋帝后謚

孝穆皇帝彭城綏輿里人姓劉氏名翹漢楚元王交二十一世孫晉時為郡功曹子裕受禪追謚孝穆皇帝 蕭

皇后名文壽蘭陵人父卓晉洮陽令后為孝穆繼室景平元年崩謚孝懿

高祖名裕永初元年崩謚武皇帝 臧皇后名愛親東莞

人父雋郡功曹后以義熙四年崩武帝踐祚追謚敬皇

后 胡婕妤太祖生母元嘉元年追尊為皇太后謚章

太祖名義隆武帝第二子元嘉元年皇太后廢少帝為營

陽王奉迎入嗣元嘉三十年崩謚文皇帝 袁皇后名

齊嬀陳郡陽夏人光祿大夫湛之庶女元嘉十七年薨

有司奏謚宣特詔謚元 路后名惠男丹陽建康人生

孝武拜為淑媛明帝踐祚號崇德太后薨謚昭 沈后

名容姬為文帝美人生明帝拜婕妤明帝即位尊為皇

太后薨謚宣

世祖皇帝名駿文帝第三子大明八年崩謚孝武 王皇

后名憲娘瑯琊臨沂人初拜武陵王妃即位立為后廢

帝時崩謚文穆 殷淑妃謚宣 孝武最愛淑妃淑妃

卒吏部尚書江智淵謚為懷孝武以為不盡美憾之嘗

請淑妃墓指石柱曰此上不容有懷字智淵以憂卒後

進貴妃改謚宣

廢帝名子業孝武長子永光二年廢被弑 何皇后名令

婉廬江瀟人孝建三年納為太子妃大明五年薨于東

宮謚獻

太宗皇帝名或文帝第十一子泰豫元年崩謚明 王皇

后名貞風臨沂人初拜淮陽王妃即位立爲后順帝禪位同遜東邸薨于齊建元元年謚恭

汝陰王名準明帝第三子廢帝昱遇弒蕭道成迎立爲帝昇平三年禪位道成封汝陰王監人殺之謚順

宋宗室謚

長沙王道憐武帝中弟永初三年謚景 道憐子義欣謚

成 義欣子瑾謚悼 義欣弟桂陽侯義融謚恭 義

融子覲謚孝 覲弟臨澧侯襲謚忠 道憐子新渝侯

義宗字伯奴謚惠 義宗子玠謚懷 道憐子興安侯

義賓謚肅 義賓子綜謚惠 道憐子營道侯義纂謚

信

臨川王道規字道則武帝少弟義熙八年謚烈武 道規

嗣子義慶本長沙景王子元嘉二十一年謚康 義慶

子畢爲元凶所誅謚哀

南城縣侯懷慎武帝從弟少帝景平元年謚肅 懷慎從

孫順陽縣侯亮明帝時謚剛

營浦侯遵考武帝族弟廢帝元年謚元

廬陵王義真武帝子爲徐羨之所殺元嘉元年追復先封

謚孝獻 義真嗣子敬先本南平王鑠子景和二年爲

前廢帝所害謚恭 義真嗣子嵩字淵華本臨澧忠王

子順帝昇明元年謚元

江夏王義恭武帝子爲廢帝所害太宗定亂後謚文獻

義恭子獻字元秀世祖大明二年追謚宣 獻弟新吳

侯韶字元和謚烈 韶弟平都侯坦字元度謚懷 坦

弟江安侯元諒謚愍 元諒弟興平侯元粹謚悼 元

粹弟伯禽初謚哀世子後改謚愍 伯禽弟永修侯仲

容謚殤 仲容弟永陽侯叔子謚殤

衡陽王義季武帝子元嘉二十四年追贈侍中司空謚文

義季子嶷字子岐大明七年謚恭

臨武侯宗南郡王義宣子武帝孫謚悼

南平王鐔字休元文帝第四子為世祖所毒贈侍中司徒

謚穆 鐔長子敬猷為前廢帝所殺太宗即位贈侍中

謚懷 鐔次子安南侯敬淵為前廢帝所殺太宗贈黃

門侍郎謚悼

建平王宏字休度文帝第七子孝武大明二年贈侍中司

徒謚宣簡

晉平王休祐文帝第十三子明帝忌其剛戾以泰始七年

令人殺之贈司空謚刺

鄱陽王休業文帝第十五子孝武孝建三年贈太常謚哀

臨慶王休倩文帝第十六子孝建元年謚冲

新野王休文文帝第十七子明帝泰始五年謚懷

巴陵王休若文帝第十九子泰始七年明帝忌而殺之贈

侍中司空謚哀

始平王子鸞字孝羽孝武第八子前廢帝忌而殺之明帝

續文獻通考卷之百三十九

三十四

三百六十八

泰始初謚孝敬 子鸞嗣子延年字德冲本建平王景
子泰始四年薨年四歲謚冲

齊王子羽字孝英武第十四子大明二年生三年卒追
謚敬

晉陵王子雲字孝舉孝武第十九子大明六年卒四歲謚
孝

南海王子師字孝友孝武第二十二子景和元年爲前廢
帝所害明帝即位追謚哀

淮陽王子霄字孝雲孝武第二十七子泰始二年賜死年
四歲謚思

邵陵王友字仲賢明帝第七子昇明三年薨謚殤

宋公主謚

會稽公主武帝女適徐達之謚宣

宣城公主武帝女適周嶠謚德

始安公主武帝女適褚湛之謚哀

吳郡公主武帝女爲褚湛之繼室謚宣

臨淮公主武帝女謚康哀

東陽公主文帝女適王僧綽謚獻

南郡公主文帝女適褚淵謚獻

宋諸臣謚

侍中司徒南康郡公劉穆之字道和東莞莒人義熙十三
年卒武帝永初時謚文宣 左衛將軍吳郡太守贈征

虜將軍德陽縣侯劉式之字延叔穆之中子謚恭 吳
興太守劉瑀字茂琳式之子大明二年謚剛 使持節
散騎常侍都督雍涼南北秦四州郢州之竟陵隨二郡
諸軍事安北將軍寧蠻校尉雍州刺史贈侍中司空康
樂郡侯劉秀之字道寶東莞莒人穆之從父兄子大明
八年卒謚忠成

領軍將軍散騎常侍西昌縣侯檀祗字恭叔高平金鄉人
武帝永初初謚威

安西司馬征虜將軍贈左將軍青州刺史龍陽縣侯王鎮
惡北海劇人猛之孫武帝受命謚壯

太子左衛率侍中太尉袁淑陽夏人武帝初以死難謚忠
憲

會稽太守褚淡之字仲原河南陽翟人少帝景平二年謚
質 尚書左僕射都鄉侯褚湛之字休玄淡之兄子大
明四年謚敬

尚書右僕射贈侍中左光祿大夫開府儀同三司晉寧縣
男袁湛字士深陳郡陽夏人文帝元嘉初謚敬 輔國
將軍吳郡太守袁洵湛弟豹之子謚貞

領軍將軍霄城縣侯趙倫之字幼成下邳僮人孝穆皇后
弟元嘉五年謚元 丹陽尹閭中縣五等侯趙伯符字
潤遠倫之子元嘉中戲以手擊主籬婚慙懼而卒謚肅
特進侍中左光祿大夫國子祭酒贈車騎將軍遂鄉侯范

泰字伯倫順陽人元嘉五年謚宣

侍中中書監太保錄尚書事揚州刺史華容縣公王弘字

休元導曾孫文帝元嘉九年謚文昭 太子詹事侍中

贈左光祿大夫散騎常侍王曇首太保弘之弟元嘉九

年以豫議誅徐羨之功追封豫章侯謚文 吏部尚書

贈金紫光祿大夫豫章縣侯王僧綽曇首子孝武泰始

初謚愍

太子左衛率山陽縣男胡藩字道序豫章南昌人元嘉中

謚壯

會稽太守張裕字茂度吳郡吳人元嘉十八年謚恭 吳

興太守臨沮伯張邵字茂宗裕弟元嘉時謚簡 會稽

太守夷道縣侯張暢字少微邵兄偉之子孝建二年謚

宣

建威將軍河東太守贈征虜將軍沈林子字敬士吳興武

康人末初三年卒元嘉二十五年謚懷

左軍將軍贈新康縣男劉康祖彭城呂人元嘉二十七年

為魏軍射死謚壯 持節督雒梁南秦三州荊州之南

陽竟陵順陽襄陽新野隨六郡諸軍事輔國將軍寧蠻

校尉雒州刺史襄陽太守晉安侯劉道產康祖從兄弟

謚襄 侍中尚書左僕射領護軍劉延孫道產子大明

五年謚忠穆又改為文穆

益州刺史陸微字休猷吳郡吳人元嘉二十九年謚簡

吏部尚書太子右衛率贈散騎常侍金紫光祿大夫沈演之字臺真吳興武康人元嘉末謚貞

廣威將軍贈龍驤將軍益州刺史上天與吳興餘杭人為元凶黨所殺孝武即位贈官謚壯

中書令領太子詹事前軍將軍丹陽尹贈司空枝江縣侯徐湛之字孝源為元凶所害孝武即位謚忠烈

金紫光祿大夫贈特進顏延之字延年瑯琊臨沂人孝武孝建三年謚憲散騎常侍僕射領丹陽尹平都縣子

顏師伯字長深延之族子泰始初追謚荒南兖州刺史贈左將軍檀和之高平金鄉人孝建時謚襄

左光祿大夫開府儀同三司侍中贈司空都鄉侯何尚之字彥德廬江灑人孝武大明四年謚簡穆吏部尚書

何偃字仲弘尚之子孝武時謚靖大中大夫垣護之字彥宗畧陽垣道人大明八年謚壯

建武將軍兖州刺史夏侯祖權譙人大明末謚烈散騎常侍特進羊玄保泰山南城人大明末謚定

贈侍中金紫光祿大夫路興之建康人路太后父廢帝景和中追謚孝贈光祿大夫開府儀同三司路道慶路

太后弟景和中追謚敬侍中太尉南昌縣公沈慶之字弘先吳興武康人為廢帝

賜死謚忠武太宗改謚襄都督雍州刺史贈征西將軍洮陽侯宗慤字元幹南陽人

廢帝景和時謚淵

撫軍將軍兗州刺史建安縣侯殷孝祖陳郡長平人明帝泰始二年卒于陣四年謚忠

吏部尚書贈左光祿大夫開府儀同三司江湛字徽深濟陽考城人泰始初謚忠簡

侍中尚書令驃騎大將軍巴東郡開國公柳元景字孝仁河東解人泰始初謚忠烈

散騎常侍左將軍相州刺史顧顛之字偉仁吳郡吳人泰始三年謚簡

鄧州刺史都督贈征西將軍開府儀同三司蕭思話南蘭陵人孝懿皇后弟子泰始時謚穆

散騎常侍金紫右光祿大夫謝莊字希逸陳郡陽夏人明帝時謚憲

左光祿大夫開府儀同三司都督南豫州刺史曲江縣公王玄謨字彥德太原祁人明帝時謚莊

中書監樂安公蔡興宗字興宗濟陽考城人泰豫元年謚宣穆

使持節鎮軍將軍守尚書右僕射中領軍鄱陽縣侯劉劭字伯猷彭城人死于陣後廢帝元徽初謚忠昭 寧朔

將軍交州刺史都鄉侯劉劭弟謚質

侍中左光祿大夫開府儀同三司王裕之字敬弘瑯琊臨沂人明帝昇明二年追謚文貞 吏部尚書金紫光祿

大夫王瓚之裕之子謚貞

侍中安成公何勗晉安成郡公無忌子追謚荒

特進金紫光祿大夫南昌縣侯朱脩之字恭祖義陽平氏

人謚貞

寧朔將軍右軍平陽侯蔡那南陽冠軍人謚平上三人謚時未詳

通直散騎常侍征虜將軍尋陵侯任農夫謚貞肅地未詳

吳興太守石陽縣子贈前將軍王謙之謚肅上二人地及謚時俱未詳

南齊帝后太子謚

宣皇帝東海蘭陵郡人姓蕭氏名承之字嗣伯漢蕭何二

十三世孫仕晉為泰山太守遷右將軍贈散騎常侍金

紫光祿大夫封晉興縣五等男高帝受禪追謚宣皇帝

陳皇后名道止臨淮東陽人魏司徒矯之後建元元

年追尊為皇后謚宣孝

太祖皇帝名道成承之子建元元年受宋禪四年崩謚高

昭劉皇后名智容廣陵人父壽之母桓氏建元元年謚

昭

世祖皇帝名曠高帝長子永明十一年崩謚武 裴皇后

名惠昭河東聞喜人左軍參軍璣之之女建元元年薨

謚穆妃帝即位追尊為后

海陵王名昭文文惠太子長懋第二子廢帝鬱林王昭業

之弟文惠太子薨鬱林遇弒西昌侯鸞迎入即位延興

元年廢暴殞謚恭

高宗皇帝名鸞始安貞王道生之子初封宣城王海陵廢
以鸞入纂建武三年崩謚明 劉皇后名惠端彭城人
光祿大夫道弘孫永明七年為西昌侯夫人卒明帝即
位追謚敬皇后

和帝名寶融明帝第八子嗣廢帝東昏侯寶卷為帝中興
二年遜位於梁謚和

太子長懋字雲喬武帝長子永明十一年謚文惠 妃王
氏梁天監十一年謚安

南齊宗室謚

衡陽王道度高帝長兄建元元年追謚元

始安王道生字孝伯高帝次兄建元初追謚貞明帝建武

元年以所生父追謚景皇帝 妃江氏謚懿皇后 道

生長子鳳字景慈建武元年贈侍中驃騎將軍開府儀

同三司謚靖 鳳次子曲江公遙欣字重暉出繼宣帝

兄西平太守奉之後永元元年謚康 遙欣弟豐城公

遙昌字季暉明帝末泰元年謚憲 道生第三子安陸

王綽字景業武帝永明九年贈侍中衛將軍謚昭

新安侯景先高帝從子永明五年謚忠

南豐伯赤斧高祖從祖弟永明三年謚懿

豫章王嶷字宣儼高帝第二子永明十年謚文獻 嶷子

承新侯子廉字景霽永明十一年贈侍中謚哀

臨川王映字宣光高帝第三子永明七年謚獻

長沙王晃字宣明高帝第四子永明時謚威

武陵王暉字宣昭高帝第五子廢帝隆昌元年謚昭

安成王暕字宣曜高帝第六子永明元年謚恭

始興王鑑字宣徹高帝第十子永明九年謚簡

竟陵王子良字雲英武帝第二子隆昌元年謚文宣

巴陵王寶義字智勇明帝長子天監中謚隱

南齊公主謚

義興公主高帝女適沈文和謚獻

南齊諸臣謚

贈金紫光祿大夫陳肇之臨淮東陽人高祖外祖父建元

元年追謚敬

黃門郎領射聲校尉新建縣侯蘇侃字休烈武邑人建元

元年謚質

宣城太守贈左將軍豫州刺史新淦伯劉善明平原人建

元二年謚烈

左衛將軍給事中贈雍州刺史霄城侯

劉懷珍字道玉善明族兄建元四年謚敬

左衛將軍吳興太守贈侍中右光祿大夫何戢字慧景廬

江瀹人建元四年謚懿 侍中領驍騎將軍贈太常何

昌寓字儼望戢從叔建武四年謚簡

司空驃騎將軍侍中錄尚書事贈太宰南康郡公褚淵字

彥回河南陽翟人武帝永明初謚文簡 太子詹事度

支尚書前將軍贈太常巴東郡侯褚綦字茂緒淵子永

明元年謚穆 散騎常侍領安成王師贈太常褚炫字彥緒淵從父弟永明時謚貞

尚書左僕射王延之字希季臨沂人永明二年謚簡 吳興太守王秀之字伯奮延之從父兄隆昌元年謚簡

散騎常侍吳興太守張岱字景山吳郡吳人永明初謚貞 國子祭酒贈散騎常侍特進光祿大夫張緒字思曼

岱從子永平中謚簡 侍中特進光祿大夫贈司空王僧虔宋侍中曇首子瑯琊

臨沂人永明三年謚簡穆 東海太守贈太常王慈字伯寶僧虔子永明九年謚懿 太尉太子少傅領中書

監贈南昌縣公王儉字仲寶僧虔兄僧綽之子永明七年謚文憲 初禮官欲謚為文獻王晏與儉不平啓齊

主曰此謚自宋氏以來不加異姓出謂人曰平頭憲事已行矣

侍中贈太常王思遠瑯琊臨沂人明帝時謚貞 尚書左僕射康樂侯李安人一名安民蘭陵承人永明四

年謚肅 兗州刺史鄂縣子王玄載字彥休太原祁人永明四年謚

烈 中護軍贈雍州刺史河陽縣侯王玄邈字彥遠玄載弟建武中謚壯

金紫光祿大夫樂鄉縣男垣閔字叔通畧陽桓道人永明五年謚定

五兵尚書贈太常沈仲字景緯吳興武康人永明中謚恭
散騎常侍金紫光祿大夫湘鄉侯呂安國廣陵人永明八
年謚肅

左光祿大夫侍中贈貞陽縣侯柳世隆字彥緒河東解人
永明九年謚忠武中書郎柳悅字文殊世隆子謚恭
吏部郎太子右衛率加通直常侍度杲之字景行新野人

永明九年謚貞
度文尚書領衛尉胡諧之豫章南昌人永明十一年謚肅
廬陵王內史高平太守征虜將軍建昌縣侯戴僧靜永興
人永明末謚壯

侍中袁彖字緯才陳郡陽夏人湛之曾孫齊王昭業隆昌

元年謚靖

國子祭酒陸澄字彥深吳郡人隆昌元年謚靖

侍中領晉安王師贈散騎常侍太常卿江斡字叔文考城
人明帝建武二年謚敬

侍中鎮軍將軍贈車騎將軍寧都縣侯王廣之字士林一
字林之沛郡相人建武四年謚壯一謚莊

太子詹事贈金紫光祿大夫謝淪字義潔陳郡陽夏人永

泰元年謚簡

散騎常侍領驍騎將軍五兵尚書駙馬都尉贈太常劉悅
字士操彭城安上里人東昏侯永元初謚敬

散騎常侍太常卿王績字叔素臨沂人永元元年謚靖

散騎常侍右衛將軍贈安北將軍監利縣侯曹虎和帝中

興元年謚壯虎一作武

侍中左僕射鎮軍將軍贈司空西豐縣侯沈文考字文達

吳興武康人中興元年謚忠憲

中軍大將軍丹陽尹贈太尉餘干縣公徐孝嗣字始昌東

海鄉人中興二年謚文忠

汝陰太守贈徐州刺史隨縣子崔文仲清河東武城人謚
襄

續文獻通考卷之一百三十九終

續文獻通考卷之一百四十

皇明進士雲間王圻纂輯

謚法考

梁帝后太子謚

太祖文皇帝姓蕭氏名順之蘭陵人漢蕭何之後初仕齊
為鎮北將軍謚懿武衍卽位追謚文皇帝 張皇后名
尚柔范陽方城人父穆之母卽文皇從姑也天監元年
追謚獻

高祖皇帝名衍順之之子天監元年受齊禪太清三年崩
謚武 郗皇后名徽高平金鄉人父曄宋太子舍人母
宋文帝女尋陽公主后先帝殂追謚德 丁貴嬪名令

光譙國人生昭明以普通七年薨謚穆 阮修容名令
羸會稽餘姚人本姓石天監六年生元帝於宮中拜修
容賜姓阮大同六年薨謚宣元帝即位追崇為文宣太
后 吳淑妃謚敬

太宗皇帝名綱武帝第三子大寶二年崩謚簡文 王皇
后名靈寶瑯琊沂人父騫南昌安侯太清三年以太子
妃薨帝即位追謚簡皇后

世祖皇帝名繹武帝第七子承聖二年為魏人所戕謚元
徐妃酷妬有穢行投井死以屍還徐謂之出妻無謚
敬皇帝名方智元帝子太平二年禪於陳陳奉為江陰王
薨謚敬 王皇后無謚

太子統字德施武帝長子大通二年謚昭明 妃蔡氏謚
敬子譽立為後梁王又謚為昭德皇后

太子大噐字仁宗簡文嫡長子大寶二年為侯景所殺承
聖元年追謚哀

太子方矩字元良江陵喪亡遇害敬帝承制追謚愍懷
後梁帝后謚

宣皇帝名譽字理孫昭明第三子為張纘構於元帝奔魏
魏人命主梁祀國於江陵號大定以大定八年殂謚宣
皇帝

孝明帝名歸字仁遠譽之第三子在位二十三年以隋開
皇五年薨謚孝明皇帝 歸祖母龔太后以即位之元

年薨謚元 歸嫡母王太后以即位之二年薨謚宣靖
歸生母曹太妃以即位之元年薨謚孝

梁宗室祀

步兵校尉吳平侯尚之字茂先文帝兄天監初謚文宣
故齊東陽太守東昌侯崇之字茂敬尚之弟天監初追
謚忠簡 崇之子吳平侯景字子昭普通四年贈侍中
撫軍開府儀同三司謚忠 景子勵字文約武帝時謚
元 景弟湘陰侯昂字子明大同元年謚恭 昂弟晉
陵太守贈湘州刺史昱字子真武帝時謚恭

長沙王懿字元達文帝長子天監元年追謚宣武 懿子
業字靜曠普通七年謚元 業子孝儼字希莊普通七

年謚章 業弟臨汝侯猷為吳興郡守與楚王廟神交
因謚靈 猷弟貞陽侯淵明字靖通承聖四年稱尊號
已復為太傅建安王後北齊文宣納永嘉王莊主梁祀
追謚閔皇帝莊貞陽侯子也

永陽王敷字仲達文帝第二子天監初追謚昭 敷子伯
遊字士仁天監五年謚恭

衡陽王暢文帝第四子天監元年追謚宣 暢子元簡字
熙遠天監十八年謚孝

桂陽王融文帝第五子天監元年追謚簡 融嗣子象字
世翼本長沙宣武王第九子大同三年謚敦

臨川王宏字宣達文帝第六子普通七年謚靖惠 宏子

吳興太守正仁字公業天監十年謚哀 正仁弟建安

侯正立字公山謚敏

安成王秀字彥達文帝第七子天監十七年謚康 秀子

機字智通大通二年謚煬

南平王偉字文達文帝第八子普通五年謚元襄 偉子

衡山侯恭字敬範元帝時贈侍中左衛將軍謚僖

鄱陽王恢字弘達文帝第十子普通七年謚忠烈

始興王憺字僧達文帝第十一子天監十八年謚忠武

憺子廣信侯映字文明謚寬 映弟上黃侯暉字通明

以言行相違謚替

南康王績字世謹武帝第四子大通三年謚簡

廬陵王續字世訢武帝第五子大同元年謚威

邵陵王綸字世調武帝第六子為魏人所殺後梁主譽贈

太宰謚安元帝時劉劭議怠政交外改謚攜

晉王歡字孟孫武帝孫昭明子謚安

世子方等字實相元帝長子承聖時謚忠壯又改謚武烈

世子方諸字智相元帝第二子為侯景所害承聖時追謚

貞惠

贈丞相河東王譽譽之兄大定元年追謚武桓

梁王世子譽譽長子譽稱帝追謚孝惠太子

侍中中衛將軍岌譽第六子歸之五年贈司空謚孝

梁諸臣謚

續文獻通考

卷之二百四十一

三百五十六京

南豐伯蕭穎胄字雲長故齊南豐伯赤斧子天監元年追封巴東郡公謚獻武

通直散騎常侍衛將軍唐縣開國侯蕭穎達赤斧第五子天監九年謚康

寧遠將軍吳郡太守蕭子恪字景冲故齊豫章文獻王子會通二年謚恭

大中大夫秘書監贈金紫光祿大夫蕭子範字敬則子恪第五弟元帝時謚文

仁威將軍吳興太守蕭子顯字景陽子範弟大同三年手勅以恃才傲物謚驕

金紫光祿大夫醴陵侯江淹字文通濟陽考城人天監元年謚憲

衛尉卿贈散騎常侍車騎大將軍洮陽縣侯張弘策字貞簡范陽方城人為東昏黨孫文明所害天監初謚愍使持節都督雍梁北秦東益郢州之竟陵司州之隨郡諸軍事平北將軍寧蠻校尉張纘字伯緒弘策子出後弘籍為營所害元帝承制謚簡獻

散騎常侍尚書右僕射霄城侯范雲字彥龍南鄉舞陰人天監二年謚文

衛尉卿散騎常侍寧都縣侯楊公則字君翼天水西縣人天監四年謚烈

尚書左僕射金紫光祿大夫豐城縣公夏侯詳字叔業譙

郡人天監六年謚景 使持節都督尉州緣淮南豫霍
義定五州軍事平北將軍豫南豫二州刺史豐城縣公
夏侯直字世龍詳子中大通元年謚襄 使持節都督
豫淮陳穎建霍義七州諸軍事豫州刺史保城侯夏侯
夔字季龍直弟大同四年謚桓

通直散騎常侍右衛將軍贈散騎常侍護軍將軍東興縣
侯鄭紹叔字仲明滎陽開封人天監六年謚忠

使持節安南將軍湘州刺史曲江縣侯柳惔字文通河東
解人天監六年謚穆 給事中光祿大夫州陵伯柳忱

字文深惔弟天監十年謚穆 使持節都督雍梁南北
秦四州諸軍事安北將軍寧蠻校尉雍州刺史雲杜侯

柳慶遠字文和忱從父天監十年謚忠惠

寧朔將軍新安太守贈太常任昉字彥升樂安博昌人天

監七年謚敬

右衛將軍開府儀同三司湘西縣侯曹景宗字子震新野
人天監七年謚壯

中書監司徒衛將軍謝朓字敬冲陳郡陽夏人天監八年
謚靖孝一單謚靖

中書監散騎常侍豫章縣公王亮字奉叔瑯琊臨沂人天
監九年謚煬 左光祿大夫儀同三司建城縣公王瑩

字奉光亮從父兄天監十五年謚靜恭

散騎常侍領軍將軍贈驃騎將軍開府儀同三司平固縣

侯呂僧珍字元瑜東海范陽人天監十年謚忠敬

特進光祿大夫侍中太子少傅建昌縣侯沈約字休文吳

興武康人天監十二年謚隱初有司謚曰文武帝曰懷情不盡曰隱改謚隱

南康內史沈旋字士規約子謚恭

侍中太尉王茂字休遠太原祁人天監十二年謚忠烈

散騎常侍國子祭酒贈侍中護軍將軍張充字延符吳郡

人天監十三年謚穆

通直散騎常侍丹陽尹宜陽縣侯王珍國字德重沛郡相

人天監十四年謚威

信武將軍豫州刺史南汝陰太守贈左衛將軍滄涯縣侯

馬仙琕字靈馥扶風郿人天監十四年謚剛

東陽太守湘西侯席闡文安定臨涇人武帝天監中謚威

左衛將軍通直散騎常侍石陽縣侯張惠紹字德繼義陽

人天監十八年謚忠 衛尉卿太子左衛率張澄惠紹

子謚愍

散騎常侍領左軍將軍豫寧伯馮道根字巨基廣平鄆人

普通元年謚威

侍中車騎將軍梁都侯韋叡字懷文京兆杜陵人普通元

年謚嚴 持節督北徐州諸軍事信武將軍北徐州刺

史永昌縣侯韋放字元直叡子大通二年謚宣 散騎

常侍贈護軍將軍韋粲字長倩叡之孫與侯景戰死賊

平簡文追謚忠貞

持節督豫州北豫霍三州諸軍事豫州刺史宣毅將軍贈
侍中左衛將軍夷陵縣子裴邃字深明河東聞喜人普
通五年謚烈 少府卿裴之禮字子義邃子謚壯 特
進金紫光祿大夫都城縣男裴之高字如山邃姪元帝
承制謚恭 使持節鎮北將軍徐州刺史都督衆軍贈
侍中司空豫章侯裴之橫字如嶽之高弟沒於陣晉安
王承制謚忠壯

侍中王峻字茂遠瑯琊臨沂人普通三年謚惠

散騎常侍金紫光祿大夫王志字次道瑯琊臨沂人齊侍

中僧虔子普通四年謚安 散騎常侍左驍衛將軍王

泰字仲通志兄慈之子天監時謚夷 秘書監王彬字

思文志弟天監時謚惠 度支尚書贈侍中金紫光祿

大夫南昌侯王騫字思寂本名玄成志從子儉之子普

通三年謚安 左兵尚書贈散騎常侍光祿大夫南昌

侯王規字威明騫之子大同二年謚章一謚文 尚書

左僕射領國子祭酒王暕字思晦騫弟普通四年謚靖

戎昭將軍東陵太守王承字安期暕子太同時謚章

侍中王訓字懷範承弟謚溫 侍中尚書王瞻字思

饒志從父兄武帝時謚康

永寧太守安昌侯張齊字子嚮馮翊郡人普通四年謚莊

護軍將軍營道侯昌義之歷陽烏江人普通四年謚烈

宣毅將軍吳郡太守蔡樽字景節濟陽考城人普通四年

謚康

侍中特進左光祿大夫王份字秀文瑯琊臨沂人普通五

年謚胡 吏部郎中贈侍中王錫字公嘏份之孫大通

六年謚貞 太子中庶子贈侍中王僉字公會錫弟承

聖三年以賢而不伐追謚恭

右驍衛將軍知詹事贈侍中護軍將軍周捨字昇逸汝南

安城人普通五年謚簡

使持節散騎常侍爪牙將軍南城縣侯王神念太原祁人

普通六年謚壯元帝時改謚忠

西陽武昌二郡太守贈左衛將軍吉士瞻字梁容馮翊蓮

勺人普通七年謚胡

衛尉卿南陽縣男康詢字長明華山藍田人普通七年謚

壯

光祿大夫江禧字彥標濟陽考城人大通七年謚肅

散騎常侍兼國子祭酒贈侍中明山賓字孝若平原瀆人

大通元年謚質

潯陽太守贈侍中到洽字仲度彭城武原人大通元年謚

理

散騎常侍金紫光祿大夫本州大中正傅昭字茂遠北地

靈州人大通二年謚貞

光祿大夫領步兵校尉南北兗二州大中正江革字休映

濟陽考城人大通二年謚疆

宣惠將軍金紫光祿大夫監揚州事孔休源字慶緒會稽山陰人大通四年謚貞

金紫光祿大夫特進揚州大中正陸杲字明霞吳郡人大通四年謚質一謚靖

侍中特進金紫光祿大夫贈本官加雲麾將軍蕭琛字彥瑜蘭陵人大通元年謚平

鴻臚卿領步兵校尉贈散騎常侍裴子野字幾原河東聞喜人中大通二年謚貞

賜謚焉

先是五等君及侍中以上乃有謚子野特以令望見嘉故

國子祭酒散騎常侍殷鈞字季和陳郡長平人大通四年謚貞

特進右光祿大夫侍中中衛將軍徐勉字修仁東海郟人大同元年謚簡肅

持節都督南北司西豫豫四州諸軍事仁威將軍南北司二州刺史永興縣侯陳慶之字子雲義興人大同五年謚武

秦州刺史杜懷寶京兆杜陵人大同五年謚桓散騎常侍江州刺史枝江縣公杜崩懷寶子承聖時謚武

侍中司空袁昂字千里陳郡陽夏人大同六年謚穆正吏部尚書劉孺字孝稚彭城人大同八年謚孝

領軍將軍藏盾字宣卿東莞莒人大同八年謚忠鴻臚卿贈散騎常侍顧協字正禮吳郡人大同八年謚溫

大尉宋王元法僧魏氏支屬明帝孝昌元年南奔武帝時
謚襄厲

太子左衛率贈侍中徐摛字士秀東海郟人太宗被侯景
幽閉感疾卒謚貞

吳興太守贈侍中中衛將軍開府儀同三司張暉字四山
吳郡人爲侯景所害元帝時謚忠貞

戎昭將軍通直散騎常侍南津校尉贈侍中江子一字元
貞濟陽考城人元帝時謚義 尚書左丞贈黃門侍郎

江子四子一弟元帝時謚毅 東宮直殿主帥贈中書
侍郎江子五子四弟兄弟俱死侯景之難元帝時謚烈

湘州刺史贈十五州諸軍事揚州刺史侍中特進開府錄

尚書事巴陵郡王王琳字子珩會稽山陰人爲陳將吳
明徹所害敬帝時謚忠武

贈侍中太常卿陳道巨卽陳高祖霸先之祖太平二年謚
孝

北豫州刺史成景雋字仲超范陽人能爲父復讐謚忠烈
右衛將軍當陽縣侯鄧元起字仲居南當陽人謚忠

後梁主簪之臣謚

中書監中權大將軍領吏部尚書贈司徒安豐公蔡大寶
字敬位濟陽考城人歸之三年謚文凱 散騎常侍衛
尉卿都官尚書太常卿贈金紫光祿大夫蔡大業字敬
道大寶弟謚簡

侍中中衛將軍尚書令開府儀同三司領荊州刺史贈司空新康公王操字子高其先太原晉陽人答毋龔氏之外弟歸謚爲康節

柱國車騎將軍贈司空上黃縣侯魏益德襄陽人歸卽位謚忠壯

大將軍贈太尉建興縣公李廣會稽人爲吳明徹所擒不屈被害謚忠武

散騎常侍起部尚書贈太常卿岑書方字思義南陽棘陽人謚敬

度支尚書贈太常卿傅淮北地人歸之七年謚敬康護軍將軍新野侯尹正天水人謚剛

陳帝后世子謚

太祖皇帝姓陳氏名文讚吳興長城下若里人梁敬帝太平元年追贈侍中光祿大夫封義興郡公謚恭永定元年霸先受禪追謚景董皇后追謚安文帝天嘉元年改謚景文張氏太平二年追封義興太夫人謚宣張氏高祖前母故不加尊號

高祖皇帝名霸先文讚子太平二年受梁禪永定三年薨謚武章皇后名要兒吳興烏程人本姓鈕父景明爲章氏所養因姓焉母蘇初帝爲長城縣公拜夫人後立爲皇后薨謚武宣帝先娶同郡錢仲方女早卒後追尊爲皇后謚昭

世祖皇帝名禧武帝兄始興昭烈王之長子天康元年崩
謚文 沈皇后無謚

高宗皇帝名頊始興昭烈王次子光大二年嗣廢帝即位
大建十三年崩謚孝宣 柳皇后無謚

後王名叔寶宣帝子隋文帝謚為煬
武帝世子克永定元年追號為太子謚孝懷

陳宗室謚

始興王道談高祖兄梁敬帝太平二年贈南兖州刺史長

城縣公謚忠烈 一謚昭烈

南康王休光高祖弟太平二年贈侍中南徐州刺史武康
縣侯謚忠壯 休光子曇朗為齊人所害天嘉二年贈侍

中安東將軍開府儀同三司南徐州刺史謚愍

永修侯擬字公正高祖疎屬天嘉元年謚定

豫章王立高祖子永定二年追謚獻

長沙王權高祖子永定二年追謚思

衡陽王昌字敬業高祖第六子世祖天嘉元年溺于江謚

獻

河東王叔獻字子恭高宗第九子大建十二年謚康簡

陳公主謚

永世公主高祖長女永定二年追謚懿

陳諸臣謚

使持節通直散騎常侍平北將軍南兖州刺史臨江縣侯

杜僧明字弘照廣陵澤人高祖初謚威

使持節散騎常侍鎮南將軍開府儀同三司贈侍中司空

壽昌縣公周文育字景德義興陽羨人爲熊曇朗所害

高祖時謚忠愍

廣德侯章景明吳興武康人宣皇后父永定三年追謚溫

贈光祿大夫建成侯沈法深吳興武康人文帝后父帝卽

位追謚恭

安左將軍散騎常侍北江州刺史彭澤縣侯魯悉達字志

通扶風郿人文帝初謚孝

散騎常侍吳興太守漢陽縣侯胡穎字方秀吳興東遷人

文帝天嘉元年謚壯

使持節都督湘桂郢巴武元六州諸軍事湘州刺史贈侍

中驃騎大將軍大司馬零陵郡公侯瑱字伯玉巴西充

國人天嘉二年謚壯肅

員外散騎侍郎侯敦始興曲江人天嘉二年墮馬卒追謚

愍

太子中庶子領大著作揚州大中正贈侍中虞荔字山披

會稽餘姚人天嘉二年謚德

明威將軍通直散騎常侍贈侍中原鄉侯沈炯字禮明吳

興武康人天嘉時謚恭

員外散騎常侍中書舍人贈司農卿顏晃字元明瑯琊臨

沂人天嘉二年謚貞

散騎常侍都督衡州諸軍事開府儀同三司征南將軍陽

山郡公歐陽頴字靖世長沙臨湘人天嘉四年謚穆

安前將軍右光祿大夫魚復縣侯徐世譜字興宗巴東魚

復人天嘉四年謚桓 負外散騎常侍安遠將軍贈直

散騎常侍徐世休世譜弟光大二年謚莊

使持節散騎常侍都督南豫州緣江諸軍事南豫州刺史

西豐縣侯周敷字仲遠臨川人爲周迪所害天嘉五年

謚脫

使持節安北將軍散騎常侍都督霍晉合三州諸軍事合

州刺史興寧縣侯荀朗字深明潁陰人天嘉六年謚壯

右衛將軍領前將軍贈侍中始平縣伯趙知禮字齊口天

水隴西人天嘉六年謚忠

散騎常侍右衛將軍贈仁威將軍光祿大夫裴之平河東

聞喜人文帝天康元年謚僖

右衛將軍領衛尉卿壽昌縣公周寶安字安民文育子天

康元年謚成

雲旗將軍西陽武昌二郡太守陸山才字孔章吳郡人天

康元年謚簡

散騎常侍中書令領前將軍謝哲字穎豫陳郡陽夏人廢

帝臨海王光大元年謚康

五兵尚書蕭乾字思揚蘭陵人光大元年謚靜

特進左光祿大夫領丹陽尹贈侍中司空東安亭侯王冲

字長深琅琊臨沂人光大元年謚元簡 侍中尚書左僕射王瑒字子璵冲子大建六年謚光 侍中王瑜字子珪瑒弟天嘉二年謚貞

尚書左僕射袁樞字踐言陳郡陽夏人光大元年謚簡懿 雲旗將軍司徒左長史贈金紫光祿大夫袁泌字文洋樞從父光大元年謚質 太常卿散騎常侍特進金紫光祿大夫袁敬字子恭泌之兄後主至德三年謚靖德

使持節都督郢巴武三州諸軍事安西將軍郢州刺史重安公程靈洗字玄滌新安海寧人光大二年謚忠壯 司空使持節車騎將軍贈太尉湘東郡公徐度字孝節安

陸人光大二年謚忠肅 持節都督安元潼三州諸軍事壯武將軍安州刺史湘東郡公徐敬成度之子大建七年謚思

都官尚書領羽林監豫州大中正贈侍中中書令謝嘏字含茂陳郡陽夏人宣帝大建元年謚元

雲麾將軍義興太守建成侯沈欽法深子大建元年贈侍中特進翊左將軍謚成

都督荊州刺史益陽縣侯陸子隆字興世吳郡吳人大建元年謚威

使持節都督郢巴武三州諸軍事雲麾將軍郢州刺史永安縣侯錢道戢字子韜吳興長城人大建二年謚肅

大府卿都官尚書王質字子貞臨沂人大建二年謚安

尚書右僕射領右軍將軍王勣字公濟質之兄大建四

年謚溫 特進左光祿大夫侍中安右將軍王通字公

達濟兄宣帝大建六年謚成 大中大夫太常卿南徐

州大中正王固字子堅通弟至德三年謚恭

中書令驍騎將軍揚東揚二州大中正金紫光祿大夫張

種字士苗吳郡吳人大建五年謚元

金紫光祿大夫贈侍中領軍將軍沈巡吳興人謚敬 侍

中尚書右僕射贈翊左將軍開府儀同三司望蔡縣侯

沈君理字仲倫巡之子大建五年謚貞憲 衛尉卿平

越中郎將都督廣州刺史沈君高字季高君理第六弟

大建十年謚祁

尚書右僕射贈侍中中書監周弘正字思行汝南安城人

大建六年謚簡

持節西道都督安蘄江衡司定六州諸軍事平北將軍定

州刺史龍源侯周炅字文昭汝南安城人大建八年謚

壯

侍中散騎常侍持節都督豫建光朔合北徐六州諸軍事

征西大將軍豫州刺史儀同三司義陽郡公黃法甌字

仲昭巴山新建人大建八年謚威

少府卿贈廷尉卿陸見賢吳郡人大建十年謚平

尚書左僕射贈特進陸縉字士儒見賢從父大建十二年

諡安

侍中光祿大夫永成縣侯杜稜字雄盛吳郡錢塘人大建十三年諡成

忠毅將軍散騎常侍桂州刺史汝南侯贈廣州刺史吳超秦郡人諡節

侍中安右將軍左光祿大夫太子少傅南徐州大中正贈鎮右將軍特進建昌侯徐陵字孝穆東海郟人至德元年諡章儁

散騎常侍特進金紫光祿大夫東興侯沈恪字子恭吳興武康人至德初諡元

散騎常侍右衛舍人贈侍中護衛將軍文招侯司馬申字季和河內温人至德四年諡忠

口流血

五兵尚書富陽侯孫瑒字德璉吳郡吳人禎明元年諡

桓

度支尚書贈侍中撫軍新豐縣侯蔡景歷字茂世濟陽考城人初諡敬禎明三年諡忠敬

北魏帝后諡

成皇帝名毛世為代北鮮卑君長姓拓跋氏後改氏元追諡成

節皇帝名貸追諡節

莊皇帝名觀追諡莊

續文獻通考

卷之三百四十一

十一

三百三十九京

明皇帝名樓追謚明

安皇帝名越追謚安

宣皇帝名推寅追謚宣

景皇帝名利追謚景

元皇帝名俟追謚元

和皇帝名肆追謚和

定皇帝名機追謚定

僖皇帝名蓋追謚僖

威皇帝名滄追謚威

獻皇帝名憐追謚獻

聖武帝名詰汾獻皇子追謚聖武

始祖神元皇帝名力微聖武子年一百四歲平文皇帝即

位尊為始祖謚神元

文皇帝名沙漠汗神元子謚文

章皇帝名悉鹿神元子謚章

平皇帝名綽章神元子謚平

思皇帝名弗文帝少子謚思

昭皇帝名祿官神元子謚昭

桓皇帝名綺匄文帝長子謚桓

穆皇帝名綺盧桓帝弟謚穆

太祖平文皇帝名鬱律思帝子謚平文廟號太祖

惠皇帝名賀儔桓帝仲子謚惠

煬皇帝名紇那惠帝弟謚煬

烈皇帝名翳槐平文長子謚烈

高祖昭成皇帝名什翼犍平文次子謚昭成廟號高祖

獻明皇帝名寔昭成子謚獻明

太祖道武皇帝名珪獻明子以登國元年即代王位天興

元年即帝位天賜六年為拓跋紹所弒永興二年謚宣

武泰常六年改謚道武 劉皇后登國初為夫人明元

即位追尊為太后謚宣穆

太宗明元皇帝名嗣道武長子天賜六年冬十月即位泰

常八年崩謚明元 姚皇后父興初為夫人泰恒五年

追尊為皇后謚昭哀 杜皇后魏郡鄴人陽平王超之

妹也初為貴嬪泰恒五年太武追尊為皇后謚密

世祖太武皇帝名燾明元長子泰常八年十月即位正平

二年為宗愛所弒謚太武 賀皇后代州人初為夫人

神麿元年薨後追尊為皇后謚敬哀

高宗文成皇帝名濬太武嫡孫景穆太子之子正平十二

年即位和平六年崩謚文成 馮皇后長樂信都人父

朗母樂浪王氏后太和十四年崩謚文明

顯祖獻文皇帝名弘文成長子和平六年五月即位皇興

五年崩謚獻文 李皇后中山安喜人南郡王惠之女

初拜夫人承明元年追尊為皇后謚思

高祖孝文皇帝名宏獻文長子皇興五年即位太和二十

續文獻通考

卷之二百四十一

四百三十八京

三年崩謚孝文 林皇后平涼人父勝平原太守后以太和七年薨謚貞 馮皇后父熙太師母常氏后有寵於孝文孝文死遺詔殺之以有姪行也謚幽 高皇后司徒公肇之妹父颺母蓋氏后薨謚文昭貴人宣武以所生追尊為后

世宗宣武皇帝名恪孝文第二子太和二十三年即位延昌四年崩謚宣武 于皇后以十四為貴人甚見寵立為皇后後暴崩謚順 胡皇后安定臨涇人父國珍母皇甫氏初誕明帝進位充華嬪明帝踐祚尊為皇后爾朱榮亂沈於河孝武時追謚曰靈

肅宗孝明皇帝名詡宣武第二子延昌四年正月即位武

泰元年崩謚孝明 胡皇后即靈太后從兄盛之女武

泰初八道出居瑤光寺

敬宗孝莊皇帝名子攸彭王勰第三子武泰元年四月即位永安三年為爾朱榮之黨所殺中興二年謚武懷大昌元年又謚孝莊

節愍帝名恭字修業廣陵惠王羽之子普泰元年即位二年為高歡所弒西魏追謚節愍

孝武皇帝名修字孝則廣平王懷之子以後廢帝中興二年即位永熙三年為宇文泰鳩弒謚孝武

孝靜皇帝名善見清河王亶之子永熙三年十月即位是為東魏武定八年遜位於齊封為中山王齊天保二年

後高氏齊獻武王第二女受禪後復
為楊遵彥妻

文皇帝名寶炬孝文之孫京兆王愉之子大統元年即位
是為西魏十七年崩謚文 乙弗皇后洛陽人父瑗儀
同三司兗州刺史母淮陽長公主孝文之第四女后以
郁久閭悼后故出家為尼尋賜死帝追念不已謚文皇
后 郁久閭皇后蠕蠕主阿那瓌之長女年十六以產
而崩謚悼

恭皇帝名廓文皇第四子廢帝三年正月即位
在位三年 遜位於周封為宋公尋殂謚恭

恭宗皇帝名滉太武長子延和元年立為皇太子正平元
年薨謚景穆與安元年追尊為皇帝 妃郁久閭氏謚

恭皇后

文穆皇帝名勰字彥和獻文子初封彭城王永平元年為
高肇所殺謚武宣後莊帝以所生父追謚文穆皇帝

妃李氏謚文穆皇后

孝宣皇帝名劭字子納勰之子初襲封彭城王遇害河陰莊
帝追謚孝宣皇帝 妃李氏謚文恭皇后

孝穆皇帝名懷孝文子初封廣平王熙平二年薨謚文穆
孝武以祖故追謚武穆皇帝 妃馮氏謚武穆皇后

文景皇帝名愉字宣德孝文子初封京兆王大統元年文
皇以所生父追謚文景皇帝

北魏宗室謚

順陽王郁担帝子後獻文追謚簡

高涼王孤平文帝子道武時謚神武 孤之孫禮謚懿

孤六世孫松滋侯長謚成 孤六世孫上黨王天穆節

閔帝時謚武昭

贈河間公興都烈帝孫獻文時謚宣

興都子樂成侯丕宣武景明四年謚平

淮陵侯贈高平公大頭烈帝曾孫謚烈

河間公齊烈帝玄孫謚敬

秦王翰昭成第三子建國十年謚明 翰子陰平王烈以

迎立太宗功封謚僖 烈弟秦王觚為慕容麟所害太

祖追謚愍 翰孫中山王纂謚簡纂子新蔡公幹文成

時謚昭 幹子沛郡公禎謚簡

常山王素昭成孫明元時謚康 素子城陽公忠孝文太

和四年謚宣 忠子贈豫州刺史秉字壽興為王顯讓

死胡太后臨朝追謚莊 忠弟平城鎮將淑孝文時謚

靜 淑子馮翊王季海字元泉謚穆 忠弟德之子光

州刺史惺謚恭 惺子尚書左僕射贈使持節督中外

諸軍事司空公暉字景襲明帝神龜元年謚文憲 惺

子瀛州刺史贈司徒公凝字子仲孝靜時謚靖懿 素

孫陳郡王玄孝武時謚平 秉弟益生子魏郡王毗字

休弼謚景

陳留王虔昭成子紇根之子太祖時謚桓 虔之子崇太

祖時謚景 虔兄顓之子隴西公綸文成時謚定

武遂子拔于昭成孫意烈之子謚靈

臨淮王他道武孫太和十二年謚靖 他子平地將軍幽

州刺史篤字阿戎謚貞 他孫臨淮王顯謚僖 顯子

世遵孝昌元年謚康 世遵弟均之子安康伯忻之為

反賊樊子鵠所害以死王事謚文貞

武昌王提道武孫獻文大安元年謚成 提子平原太和

十二年謚簡 平原次子鑒字紹達謚悼

南平王霄道武魯孫太和十七年謚安 霄子江陽王繼

字世仁以後江陽王根莊帝永安二年謚武烈 霄孫

伯和宣武永平八年謚哀 繼子給事黃門侍郎金紫

光祿大夫贈使持節都督涇岐秦三州諸軍事衛將軍

尚書左僕射秦州刺史爽孝武永熙二年謚懿

樂平王丕明元子謚戾

安定王彌明元子謚殤

永昌王建明元子謚莊 樂安王良明元孫文成時謚簡

臨淮王譚太武子謚宣 譚子長鄉侯提宣武時謚懿

提子臨淮王昌字法顯宣武時謚康 昌子彧字文若

永熙末謚文穆 昌弟萬年鄉男孚字秀和謚文簡

廣陽王建閭太武子謚簡 建閭子石侯謚哀 石侯

子遺興謚定 石侯弟嘉宣武時謚懿烈 嘉子深字

智遠為葛榮所害莊帝時謚忠武 深子湛字士淵謚

文獻

南安王余太武子太武崩宦者宗愛迎立為帝後為宗愛所殺文成葬以王禮謚隱

陽平王新成太武長子晃之子謚幽 新成長子贖宣武

景明六年謚莊隨弟廣陵侯衍字安樂謚康

濟陰王小新成晃子謚惠 小新成子弼字豈明初奪爵

建義元年子暉業訴復永安三年追謚文獻 弼子衛

將軍右光祿大夫昭業謚文 小新成子麗字寶掌宣

武時謚威 小新成孫誕字曇首謚靜

汝陰王天賜晃子孝文時謚靈 天賜子齊州刺史逞字

萬安謚威 天賜子雍州刺史贈司空修義字壽安謚

文 安昌王均修義子西魏謚為平

樂良王萬壽晃子文成時謚厲 萬壽子樂平謚康 廣

平王洛侯晃子文成時謚殤 洛侯嗣子濟南王匡字

建扶本陽平幽王子孝昌初謚文貞

任城王雲晃子太和五年謚康 雲子澄字道鎮神龜二

年謚文宣 澄子彞字子倫莊帝初河陰遇害謚文

彞兄東阿縣開國公順字子和河陰遇害莊帝謚為文

烈 澄弟高平侯嵩字道嶽文成時謚剛 嵩次子世

儁孝靜興和中謚躁戾

南安王禎晃子太和二十年謚惠 禎子中山王英字虎

兒宣武永平三年謚獻武 英子熙字貞興延昌二年
爲長史柳元章等所害謚文莊 熙弟右將軍南徐州
刺史贈儀同三司都昌縣開國伯誘字惠興謚恭 誘
弟東平王略字儁興河陰遇害謚文貞
城陽王長壽晃子孝文延興五年謚康 長壽子鸞字宣
明宣武正始二年謚懷 鸞子徽字顯順永熙初謚文
獻
章武王太洛晃子獻文皇興二年謚敬
樂陵王胡兒晃子文成和平四年謚康 胡兒嗣子思譽
本汝陰王天賜子正始四年謚密 思譽子景略字世
彥明帝熙平元年謚惠

安定王休晃子太和十八年謚靖 休孫定安王琰字伏
寶謚懿 晃孫饒陽男遙字太原靈太后時謚宣 暹
弟侍中恒字景安歿於河陰之難謚宣穆 晃玄孫京
兆王侗字魏慶孝靜時卒於司州刺史謚文
安樂王長樂文成子孝文時謚厲 長樂子銓字搜賢謚
武康 銓子尚書令贈太尉斌之字子爽文帝末謚武
襄
廣川王略文成子太和四年謚莊 略子諧字仲和太和
十九年謚剛 諧子靈道謚悼
齊郡王簡字叔亮文成子太和二十三年謚靈宣武時改
謚順 簡子祐字伯授謚敬

河間王若字叔儒文成子未封而薨追謚孝

安豐王猛字季烈文成子太和中謚匡 猛子延明永熙

初謚文宣

趙郡王幹字思直獻文子太和二十二年謚靈 幹子謚

孝明正光五年謚貞景 謚子毓字子春河陰遇害謚

宣恭 謚兄謚字伯興孝靜天平三年謚孝懿

廣陵王羽字叔翻獻文子宣武時謚惠 羽子欣字慶樂

恭帝初謚容

高陽王雍字思穆獻文子河陰遇害謚文穆 雍子泰字

伯昌謚文孝一單謚文 泰弟新陽縣開國伯誕字文

發天平三年謚文獻

北海王詳字季豫獻文子宣武永平元年謚平

始平王子正勰之子遇害河陰莊帝時謚貞

汝南王悅孝文子孝武忌而殺之謚文宣

清河王懌字宣仁孝文元子為元義所害神龜二年追封

為范陽王謚文獻

續文獻通考卷之一百四十終

續文獻通考卷之一百四十

二十七 一百〇五

續文獻通考卷之一百四十一

皇明進士雲間王圻纂輯

謚法考

北魏諸臣謚上

安遠將軍贈左光祿大夫幽州刺史高陽公許謙字元遜

代人太祖道武皇始元年謚文 明壘鎮將北地公許

洛陽謙子太武時謚恭 揚威將軍廣寧滄水二郡太


守東光侯許安都洛陽弟獻文天安初謚烈

太尉豫州刺史宜都公穆崇代人太祖天賜三年謚丁

衛王議謀逆崇與焉道武惜其功而秘之及有司奏謚

道武親覽謚法至述義不克曰丁曰此當矣乃謚丁公

太尉駙馬都尉贈宜都王穆觀字闡拔崇子明元時謚文



成 侍中富城公穆乙九崇孫謚靜 侍中北部尚書
贈司空穆怛頭乙九第謚敬 南部尚書侍中穆真乙
九子謚宣 虞曹尚書征虜將軍涇州刺史贈征西將
軍雍州刺史穆蒲坂乙九子謚昭 員外散騎侍郎代
郡太守征東將軍金紫光祿大夫穆韶字文興蒲坂子
謚文 侍中中書監南部尚書征東大將軍駙馬都尉
贈太尉宜都王穆壽觀子太武太平真君八年謚文宣
司衛監長寧子穆多侯壽弟謚烈 駙馬都尉宜都
王穆伏干觀孫文成和平二年謚康 尚書令司空公
贈太尉頓丘縣公穆亮字幼輔觀孫宣武景明三年謚
匡 驃騎大將軍開府青州刺史加都督駙馬贈大將

軍尚書令太保穆紹字永業亮子孝明普泰元年謚文
獻 內都大官贈征西大將軍建安王穆覲觀弟天安
元年謚康 華州刺史穆弼觀弟翰之孫宣武時謚懿
平北將軍并州刺史金紫光祿大夫穆鑲崇族人孝
明時謚安

兖州刺史藍田侯長孫肥代人道武天賜五年謚武 平
南將軍平陽王長孫翰肥之子太武神麌三年謚威
駕部尚書吳郡公贈散騎常侍吳郡王長孫陵一名陳
翰之弟文成興光五年謚恭 樂部尚書寧西將軍臨
淮公長孫石洛肥弟亦干子神麌中謚簡
聊成侯贈冀州刺史薛達頭代人道武時謚悼 并太二



州刺史河東公薛野賭達頭子和平末謚簡 徐州刺史薛彪子野賭子孝文太和十五年謚文

天部大人白馬公贈司空崔宏字玄伯清河東武城人太宗明元泰常三年謚文 平西將軍副將行樂安王傅濟南公崔徽字玄猷宏弟太平真君四年謚元 贈涼州刺史武陵公崔劄字伯宗文成時謚元 秦州刺史贈冀州刺史齊郡公崔衡字伯玉劄孫太和十二年謚惠 龍驤將軍平州刺史臨淄子崔景徽字文敷清河崔道固之子謚定

醫令位特進成德侯周澹京兆鄠人善醫泰常四年謚恭散騎常侍宣城公車路頭代人泰常六年贈侍中左衛大

將軍太師 宣城王謚忠貞

贈征西大將軍右光祿大夫始平公司馬休之字季豫河內溫人明元時謚聲

假節侍中鎮西大將軍開府儀同三司雲中鎮大將朔州刺史瑯琊王司馬楚之字德秀文成和平五年謚貞 侍中鎮西大將軍朔州刺史吏部尚書司馬金龍字榮則楚之子太和八年謚康 司州治中別駕河內邑中正贈鎮遠將軍南青州刺史司馬纂字茂宗金龍子宣武永平元年謚肅 豫州刺史贈青州刺史漁陽子司馬悅字慶宗金龍第三子宣武時謚莊

陳郡太守贈懷州刺史溫縣侯司馬靈壽太和元年謚靖

行人許剛不知何許人世祖太武初出使車師道病死謚

貞

白道守將贈安北將軍顯美侯段進不知何許人太武初

為蠕蠕所殺謚莊

湘州刺史贈東平將軍廣平公張蒲字玄則河內脩武人

本名謨太武始光三年謚文恭

冀青二州刺史高陽公贈高陽王安同遼東胡人其先本

安息國人太武神麴二年謚恭惠 援軍將軍西平王

安頡同子神麴四年謚襄

內都大官贈定州刺史中山公李先字容仁中山盧奴人

神麴二年謚文懿

鎮西大將軍安定公莫雲鴈門繁時人神麴中謚敬

征東將軍定州刺史永安公劉羅辰代人宣穆皇后兄謚

敬 武衛將軍劉求引羅辰孫謚貞 衛將軍西兖州

刺史贈衛大將軍吏部尚書青州刺史劉仁之字山靜

羅辰玄孫武定二年謚敬

侍中儀曹尚書濮陽公谷渾字元冲昌黎人太武延和二

年謚文宣 外都大官濮陽公谷闡字崇基渾子孝文

延興四年謚簡 太府少卿贈滎州刺史谷頴闡孫神

龜二年謚貞

中書侍郎兼散騎常侍下博侯鄧穎安定人延和三年謚

文恭 黃門侍郎兼尚書假散騎常侍安陽縣開國子

鄧羨穎玄孫神龜初謚恭 司空長史鄧述穎之孫謚貞

大將軍西秦王吐谷渾慕瓚遼東鮮卑人太武泰延二年謚惠

外都大官南郡公毛修之字敬文陽武人泰延二年謚恭

殿中尚書贈征東大將軍南郡王毛法仁修之子和

平六年謚威 散騎常侍贈豫州刺史南郡公毛猛虎

法仁子太和初謚康

征南大將軍丹陽王叔孫建代人泰延三年謚襄 衛將

軍贈司空安成王叔孫俊字醜歸建之子泰常元年謚

孝元

安東將軍湘州刺史武昌公許彥字道謨高陽新城人太

武太平真君二年謚宣 中書郎贈安東將軍冀州刺

史武昌公許安仁彥孫謚簡 廷尉少卿贈征虜將軍

營州刺史武昌公許元康安仁子謚肅

太保錄尚書事襄城公贈襄城王盧魯元昌黎徒河人太

平真君三年謚孝 襄城王盧統魯元子文成興安二

年謚景 襄城王盧彌娥統弟謚恭

廬陵公贈司空來大千代人太武時謚莊 相曹都典奉

寧南將軍陳留公來丘頽大千子獻文皇興四年

謚簡

太常卿贈雍州刺史隴西王姚黃眉明元昭哀皇后之弟

太武時謚獻

長樂太守信都侯屈須昌黎徒河人謚恭 尚書右僕射

侍中濟北公屈恒字長生須子太平真君四年謚成

尚書右僕射加侍中屈道賜恒次子太武時謚哀 東

陽鎮將贈青州刺史屈車渠須孫孝文時謚莊

征南大將軍太宰駙馬都尉陽平王杜超字祖仁魏郡鄴

人密皇后之兄太平真君五年爲帳下所害謚威 內

都大官贈太傅廣平王杜遺超從弟謚宣 司空贈散

騎常侍安南將軍南康公杜道儁超子謚昭

內都大官贈鎮西將軍秦雍二州刺史涪陵郡公薛謹字

法順河東汾陰人太平真君五年以從駕後期見殺謚

元 鎮西大將軍開府儀同三司贈左光祿大夫河東

公薛洪祚賜名初古拔謹之子太和八年謚康 立忠

將軍河北太守河東公薛胤字寧宗洪祚子太和二十

三年謚敬 中書博士贈河東太守薛麟駒洪祚從子

太和十年謚宣 都督齊州刺史贈車騎大將軍儀同

三司延州刺史薛聰字延智洪祚從子太武時謚簡懿

侍郎行司徒校尉宋宣字道茂廣平列人人太平真君七

年贈司隸謚簡 廣平太守贈安遠將軍相州刺史列

人子宋愔道茂姪興安五年謚惠 右衛將軍領黃門

兼祠部尚書攝七兵事贈瀛州刺史宋弁字義和愔孫

太和末謚貞順 司徒左長史河南尹贈驃騎大將軍

儀同三司尚書左僕射雍州刺史宋翻字飛鳥并族弟
莊帝永安三年謚貞烈

贈安西將軍秦州刺史馮翊公寇修之字延期上谷人太
武時追謚哀 南雍州刺史河南公寇讚字奉國修之

子太平真君九年謚宣穆

萬騎大將軍弘農王奚斤代人太平真君九年謚昭 澄

成縣開國侯贈征遠將軍洛州刺史奚遵斤玄孫謚哀

尚書贈廣陽侯公孫質字元直燕郡廣陽人太平真君九

年謚恭 南部尚書陽平公公孫馥字文叔質之姪謚

宣

光祿勳廣陵王婁伏連代人太平真君十年謚恭 散騎

常侍尚書安北將軍湘東公婁真伏連子從征涼州卒

謚莊 中都大官贈平東將軍定州刺史婁大拔真弟

文成時謚康 霸成男贈安東將軍冀州刺史陽平公

婁安文伏連兄孫文成興安初以其子毅貴追謚定

梁城戍將贈洛陵太守穎川公晁清遼東人太武時謚忠

故姚泓安定護軍魏贈振威將軍秦州刺史石安縣子孫

瓚咸陽石安人太武時以子小為宦者陳請謚戴

奮武將軍幽州刺史臨渭侯贈太保張袞字洪龍上谷沮

陽人太武時謚文康 中都大官贈征東大將軍冀州

刺史張度袞次子謚康 大中大夫平臯侯張恂字洪

讓袞弟明元神瑞三年謚宣 常山太守張代字定燕

恂子謚惠 散騎常侍殿中尚書贈湘州刺史廣平公
張白澤衮之孫太和五年謚簡

中書侍郎贈定州刺史邢穎字宗敬河間鄭人太武時謚
康 殿中尚書撫軍將軍贈車騎大將軍瀛州刺史邢

巒字洪賓穎孫宣武延昌三年謚文定 滄州刺史贈
尚書左僕射瀛州刺史邢晏字幼年巒弟孝昌中謚文

貞 通直散騎常侍中軍將軍贈車騎將軍都官尚書
冀州刺史邢昕字子明巒弟偉之子謚文 中書侍郎

太子中庶子贈建威將軍平州刺史樂成子邢產字神
寶巒從叔謚定 光祿少卿贈幽州刺史邢虬字神虎

巒從叔謚威 濮陽太守安東將軍贈鎮北將軍定州
刺史邢臧字子良虬子謚文

庫部尚書加散騎常侍贈中領軍燕郡公尉地干代人大
武時謚惠 侍中太尉贈大將軍漁陽王尉眷地干兄

文成和平四年謚莊
寧南將軍虎牢鎮都副將贈安南將軍荊州刺史長社侯

王慧龍太原晉陽人太武時謚穆
太尉柱國大將軍北平王長孫嵩代人太武時謚宣 北

平王長孫頽嵩之子謚安 北鎮都將北平公長孫敦
字孝友頽之子孝文時謚簡 右衛將軍長孫道生念

僧敦子謚慎 司空侍中上黨王贈太尉長孫道生嵩
從子謚靖 征南大將軍上黨王長孫觀道生之孫謚



定 征南大將軍上黨王長孫幼初名冀歸孝文以其
幼承家業賜名幼字承業觀子文帝大統元年謚文宣
侍中外都大官贈寧東將軍幽州刺史屈蛇侯羅結代人
年一百二十歲卒太武時謚貞 柔玄鎮都大將軍帶
方公羅斤結子謚靜 散騎常侍庫部尚書贈安東將
軍幽州刺史帶方公羅敦斤子謚恭 司農卿光祿大
夫贈征北將軍燕州刺史帶方公羅伊利敦子宣武景
明初謚靜 征西將軍吏部尚書贈寧東將軍定州刺
史趙郡公羅拔歷敦弟謚康

寧西將軍涼州鎮都大將贈鎮西將軍秦州刺史東阿侯
高湖字太淵渤海蓊人即齊神武之曾祖太武時謚敬

治書御史贈使持節侍中都督壽徐等五州諸軍事
驃騎大將軍太尉公青州刺史高謚字安平湖第三子
太昌初謚武貞 大都督贈使持節都督冀湘等六州
諸軍事大將軍太師錄尚書事冀州刺史渤海王高樹
謚子太昌初謚文穆 侍御中散贈使持節侍中都督
冀定洛瀛等十州諸軍事大將軍太傅太尉公錄尚書
事冀州刺史高翮字飛雀樹弟孝靜元象中謚孝宣
龍驤將軍涇州刺史帶金城太守贈使持節侍中都督
定相殷三州諸軍事驃騎大將軍儀同三司定州刺史
高真謚兄太昌元年謚武穆 河州別駕贈使持節侍
中都督青徐濟三州諸軍事儀同三司青州刺史高仁



續文獻通考 卷之二十四十一
九
真子太昌初謚明穆

假平西將軍員外散騎常侍贈使持節侍中都督冀定湘
瀛滄五州諸軍事司徒公冀州刺史高徽字榮顯孝武
永熙中謚文宣 龍驤將軍中散大夫征西都督贈侍
中驃騎大將軍儀同三司雍州刺史高歸義徽子太昌
初謚孝貞 龍驤將軍鉅鹿太守贈安東將軍幽州刺
史涇縣侯高恒字叔宗湖弟道武時謚惠 鎮南將軍
相州刺史高道字始意恒子謚莊 白水太守贈使持
節都督秦雍二州諸軍事車騎大將軍司空公雍州刺
史高幹字干奴道子太昌初謚孝穆 南秦州長史贈
輔國將軍涼州刺史高侃字伯欣幹子謚宣

奉朝請員外散騎侍郎贈侍中都督青徐光三州諸軍事
驃騎大將軍儀同三司青州刺史高昏字明珍永熙中
謚文景

宋兵將軍交趾侯周幾代人太武時贈交趾公謚桓
洛州刺史贈定州刺史鉅鹿公李靈字虎符趙郡平棘人
高宗文成興安初謚簡 長安鎮副將鉅鹿公李恢靈
子獻文皇興元年為東平王道符所害謚貞 河南太
守贈安州刺史平棘子李顯甫恢次子謚威 侍中衛
尉卿贈使持節督定冀殷幽四州諸軍事大將軍司徒
定州刺史李元忠顯甫子孝靖武定三年謚敬惠 征
東府司馬贈征虜將軍幽州刺史李道恢弟綜之子為

京兆王愉所害謚簡 兖州刺史始豐侯李燦字世顯

靈第均之子孝文元興元年謚懿 司徒司馬彭城鎮

副將李元茂璨子太和二十年謚順 幽州刺史李宣

茂璨子宣武延昌二年謚惠 南趙郡太守李叔胤宣

茂第宣武景明三年謚惠 尚書左丞贈鎮遠將軍光

州刺史李仲胤叔胤弟謚恭 安南將軍贈侍中鎮西

大將軍太尉公高平王李順字德正靈從父弟崔浩讒

而誅之皇興初以子敷等貴盛謚宣 征東將軍揚州

刺史淮南大都督贈使持節都督定冀相殷四州諸軍

事驃騎大將軍儀同三司尚書令定州刺史李憲字仲

規順之孫永熙中謚文靜 憲身為降虜已經賜死 乃復贈爵贈謚謬矣 上

黨太守贈使持節都督定冀滄瀛殷五州諸軍事驃騎

大將軍司空公殷州刺史李希宗字景玄憲子孝靖興

和二年謚文簡 趙郡太守贈荊州刺史栢人子李魯

順從父道武時謚懿 使持節散騎常侍秦州刺史宣

城公李孝伯魯之子太安五年謚文昭 中書侍郎贈

定州刺史平棘子李祥字元善孝伯兄文成時謚惠

侍郎中壘將軍元氏子李熙字仲熙順族弟神麴中與

高允俱被徵後卒謚莊 贈青州刺史元氏子李季玉

熙子謚貞 征東將軍金紫光祿大夫贈驃騎大將軍

都官尚書定州刺史趙郡公李育字仲遠順族孫孝靜

天平四年謚貞 廷尉少卿贈平東將軍齊州刺史李

廣文獻通考 卷之四百四十一 一四十八京

廣文獻通考 卷之四百四十一 一四十八京

廣文獻通考 卷之四百四十一 一四十八京

繳字景林育族弟孝昌二年謚宣 梁州刺史贈征虜
將軍幽州刺史容城伯李渙字仲文順之族謚昭 中
書侍郎兼通直散騎常侍贈瀛州刺史李同軌熙族孫
武定四年謚康

上將軍前部王贈鎮西大將軍秦州刺史車伊洛焉耆胡
興安二年謚康

長廣公贈長廣王豆代田代人興安中謚恭 吏部尚書
贈征北大將軍長廣王豆求周代田子皇興二年謚簡

龍驤將軍恒山太守贈涇州刺史安武侯韓耆字黃耆安
定安武人謚成 尚書令侍中征南大將軍太子少師
贈涇州刺史安定王韓茂字元興耆子高宗文成太安

二年謚桓 散騎常侍征南大將軍贈雍州刺史安定
公韓備字延德茂子謚簡 定州刺史安定公韓均字

天德備之弟延興五年謚康
外都大官東平郡王陸侯代人太安四年謚成 太保健

安王陸馘侯子延興四年謚貞 正平太守贈龍驤將
軍南徐州刺史陸凱字智君馘子正始初謚惠 東荆

州刺史贈吏部尚書陸恭之字季順凱子孝靜天平四
年謚懿 侍中撫軍大將軍司徒公平原王陸麗馘弟

獻文初謚簡 侍中鎮南將軍秦益二州刺史東郡王
陸定國麗長子太和八年謚莊 安北將軍湘州刺史

陸昕之字慶始定國子永平四年謚惠 中書監贈開



府儀同三司濮陽郡王陸子彰字明遠昕之從兄希道子孝靜武定八年謚文宣 太常卿衛大將軍中書監青州刺史陸希質字幼成定國從子武定七年謚文陸儁代人俟族子謚貞 前將軍廣牧子陸清都麗弟顏之子謚順 夏州刺史贈太僕卿陸珍馥從子謚靜秘書監贈湘州刺史廣平侯游雅字伯度廣平任人高宗文成和平二年謚宣 大鴻臚卿贈光祿大夫新泰伯游明根字志遠雅從弟太和二十三年謚靖 尚書右僕射贈使持節散騎常侍驃騎大將軍儀同三司冀州刺史游肇字伯始明根子孝明正光元年謚文貞 國子博士領尚書郎贈給事黃門侍郎幽州刺史高邑縣

侯游祥字宗良肇子孝昌元年謚文

侍中鎮東將軍幽州刺史魯郡公孔昭魏郡鄴人以密皇后親賜爵和平二年謚康 散騎常侍彭城鎮將都督東海公贈鎮東大將軍東海王孔伯恭昭子皇興二年謚桓

閻延代人本蠕蠕人恭后祖和平二年追謚襄康 閻辰定延之子恭后父和平二年追謚襄懿

內都大官新安侯贈淮陽王皮豹子漁陽人和平五年謚襄 散騎常侍安南將軍豫州刺史南康侯皮懷喜豹子之子太和七年謚恭

西道都將西平公乙瓌代人和平中謚恭 駙馬都尉秦

州刺史中道都將西平公乙乾歸瓌子尚景穆女安樂
公主延興五年謚康 散騎侍郎乙海字懷仁乾歸子
謚孝

外都大官楊難當氏人高宗時謚忠 鎮南將軍都督寧
湘等五州諸軍事贈車騎大將軍開府儀同三司楊集
始難當族謚安

故宋洛陽令魏贈平南將軍洛州刺史鞏縣侯張孟舒河
南華人高宗文成時以子宗之為宦者有寵謚貞 殿
中給事中常侍贈涇州刺史涇陽侯張鸞旗孟舒子謚
靖

并州刺史安南將軍北海公王憲字顯則北海劇人猛之
後獻文帝天安初謚康 南交州刺史王雲字羅漢憲
孫熙平二年謚文昭

陽夏子贈豫州刺史袁式字季祖陳郡陽夏人天安二年
謚肅

中書侍郎贈秦州刺史聞喜侯裴駿字神駒河東聞喜人
皇興二年謚康 中大夫贈東秦州刺史裴脩字元寄
駿子太和十六年謚恭 七兵尚書贈司徒公裴詢字
敬叔脩子孝明武泰初河陰遇害謚貞烈 征虜將軍
南秦州刺史贈豫州刺史裴宣字叔令脩弟永平四年
謚定尋改為穆 叅軍贈通直散騎侍郎裴莊伯字孝
夏宣子永安三年謚獻 太學博士贈中書侍郎裴敬



憲字孝虞宣第二子永興三年謚文 河東太守贈雍

州刺史裴雙彪謚順 衛大將軍大府卿贈侍中尚書

僕射裴良字元賓天平二年謚貞 司徒主簿贈河東

太守裴仲規沒于陣謚貞 司徒從事中郎贈東秦州

刺史裴叔義仲規弟正光五年謚宣 中軍大將軍贈

吏部尚書裴伯茂叔義子天平時謚文 華州刺史裴

宣明謚簡

中庶子陽都子贈冀州刺史武邑公賈秀本武威姑臧人

後家幽州獻文帝皇興三年謚簡 京兆王府外兵參

軍贈河東太守賈景雋秀之宗人永平中謚貞

定州刺史平昌王和其奴代人皇興三年謚宣

鎮南大將軍徐州刺史贈秦州刺史河東王薛安都字休

達河東汾陰人皇興二年謚康 金紫光祿大夫散騎

常侍贈左光祿大夫敷西縣伯薛真度安都弟永平中

謚莊

假節都督秦涇梁益雍五州諸軍事開府王度廣甯人謚

莊

濟州刺史贈征西大將軍酒泉王唐和字穉起晉昌宜安

人皇興中謚宣

平南將軍北豫州刺史贈冠軍將軍安成侯尉撥代人獻

文時謚敬

吏部尚書贈太原王宿石朔方人高祖孝文延興元年謚

續文獻通考

卷之三百四十一

三十三京

康

散騎常侍贈平東將軍幽州刺史固安侯盧玄字子真范陽涿人謚宣 散騎侍郎盧度世字子遷玄子延興元年謚惠 秘書監固安伯盧淵字伯源度世子宣武景明二年謚懿 司徒司馬贈太常卿盧道將字祖業淵子謚獻 左將軍涇州刺史盧道裕字寧祖道將弟神龜二年謚文 衛大將軍幽州刺史盧道虔字慶祖道裕弟天平時謚恭文 儀曹郎贈威遠將軍范陽太守盧敏字仲通淵弟太和時謚靖 都官尚書驃騎大將軍左光祿大夫贈大將軍儀同三司瀛州刺史盧義熙字遠慶敏子興和中謚孝簡 鎮西將軍散騎常侍盧

昶字叔達小字師顏敏弟熙平元年謚穆 輔國將軍司徒司馬贈散騎常侍都督幽瀛二州諸軍事驃騎大將軍吏部尚書盧元緝字幼緒昶子謚宣 侍中驃騎將軍左光祿大夫儀同三司贈侍中都督冀滄瀛三州諸軍事驃騎大將軍司空公冀州刺史彰武縣開國伯盧同字叔倫玄族孫永熙初謚孝穆 青州刺史贈司徒公尚書右僕射盧文偉字休族玄族子謚孝威 范陽太守贈度支尚書盧恭道文偉子謚定 長安鎮將河南公陸貞代人延興二年謚烈 東徐州刺史贈青州刺史平陸侯張讜字處言清河東武城人延興四年謚康

龍驤將軍榮陽太守贈使持節大將軍雍州刺史李承字

伯業隴西人延興五年謚穆 定州刺史散騎常侍贈

使持節散騎常侍車騎大將軍司空公雍州刺史李韶

字元伯承子正光五年謚文恭 撫軍將軍秦州刺史

贈侍中驃騎大將軍司徒公雍州刺史李彥字次仲韶

弟正光五年為州民所害永安中謚孝貞 特進驃騎

大將軍開府儀同三司贈侍中驃騎大將軍太尉公都

督冀宣瀛三州諸軍事冀州刺史高平男李虔字叔恭

彥弟永安三年謚宣景 西交州刺史鎮西將軍燉煌

侯李茂字仲宗承弟景明三年謚恭 鎮遠將軍潁川

太守贈征虜將軍秦州刺史李輔字督真茂弟太和六

年謚襄武 輔國將軍荊州刺史贈秦州刺史李佐字

季翼輔弟景明二年謚莊 尚書左僕射贈司空公清

泉侯李冲字思順承少弟孝文時謚文穆 使持節侍

中太傅錄尚書事青州刺史贈使持節侍中太師太尉

公錄尚書事都督雍州刺史李延實字禧冲之子出帝

初謚孝懿 營州刺史贈衛將軍中書監左光祿大夫

李思穆字叔仁韶從父永安中謚宣惠一謚宣武 侍

中車騎大將軍左光祿大夫儀同三司贈侍中驃騎大

將軍司徒公雍州刺史李琰之字景珍韶族弟永熙二

年謚文簡

侍御中散贈平遠將軍涼州刺史顯美侯王橋字法生太

續文獻通考 卷之二百四十一 十六


四十五 九京

原晉陽人天安初謚敬孝文以子叡故復追贈侍中征
 西將軍左光祿大夫儀同三司武威王改謚定 尚書
 令中山王鎮東將軍贈衛大將軍太宰并州牧王叡字
 洛誠橋之子佞幸人太和四年謚宣 并州刺史贈豫
 州刺史王襲字元孫叡長子景明二年謚質 汝南王
 記室叅軍贈散騎常侍安北將軍肆州刺史武威王王
 忻襲子建義初河陰遇害謚穆 瀛州刺史真定縣子
 贈尚書左僕射太尉公冀州刺史王椿字元壽叡次子
 興和二年謚文恭 給事中龍驤將軍贈安南將軍冀
 州刺史中都侯王魏誠叡弟謚恭 兼廷尉卿行定州
 事贈撫軍將軍并州刺史中都伯王靜字元安魏誠之

子孝昌二年謚貞 冠軍將軍姑臧侯贈安東將軍并
 州刺史鉅鹿公王隆保叡叔謚靖

平西將軍北幽州刺史固安侯李崇范陽人謚襄 成周
 太守贈幽州刺史容城侯李恭字元順崇子謚簡 營
 丘太守平西將軍贈兖州刺史固安侯李瓘字元衡恭
 弟謚康 左將軍長安副將太常卿宜陽侯李璞字季
 直瓘弟高祖孝文承明元年謚穆 尚書左丞中堅將
 軍贈平遠將軍南青州刺史李蘊字宗令璞子延昌三
 年謚敬

太尉贈侍中太尉隴西王源賀西平樂都人高祖孝文太
 和三年謚宣 侍御中散贈涼州刺史廣武侯源延賀



子謚簡 車騎大將軍馮翊公源懷延子正始三年謚
惠 初太常議謚曰懷體尚寬柔器操平正依謚法柔
直考終曰靖宜謚靖公司徒府議懷作牧陝西民餘惠
化入總端揆朝列歸仁依謚法布德執義曰穆宜謚穆
公二謚不同詔曰府寺所執並不克允愛民好與曰惠
可謚惠公

冀州刺史贈司空陽平縣公源子雍字靈和懷子永安
中謚莊穆 直閣將軍贈洛州刺史源徽字靈祚懷子
謚質 中書監魏尹贈司空公源子恭字靈順子雍弟
興和二年謚文獻 光祿大夫贈度支尚書冀州刺史
龍西郡公源紹懷曾孫謚文

上黨太守贈豫州刺史野王侯呂溫字希陽本東平壽張
人後家幽州謚敬 內都大官山陽公呂羅漢溫子太
和六年謚莊

徐州刺史東安伯刁廡字叔和渤海饒安人太和八年謚
簡 洛州刺史刁遵字奉國廡子熙平元年謚惠 車
騎將軍右光祿大夫贈司空刁整字景智遵子天平四
年謚文獻 都官尚書衛大將軍合州刺史贈太尉高
城縣侯刁宣字季達整弟謚武 驍衛大將軍左光祿
大夫贈車騎大將軍曲成鄉男刁雙字子山廡族孫興
和三年謚清穆

秘書令贈兖州刺史曲安侯程駿字麟駒其先廣平曲安



人後家涼州太和九年謚憲

虎牢鎮將零陵公仇儼中山人宦者洛齊養子太和九年

謚靖

秘書令贈平東將軍幽州刺史都昌侯平恒字繼叔燕國

薊人太和十年謚康

鎮軍大將軍贈侍中司空冀州刺史咸陽公高允字伯恭

渤海人太和十一年謚文 并州刺史高綽字僧裕允

孫正光三年謚簡一謚文簡 散騎常侍贈臨邑子高

推字仲讓允弟謚恭 滄水太守浮陽子高濟字叔民

允從叔太武時謚宣 尚書郎贈樂陵太守高當允族

孫謚恭 假散騎常侍菑縣侯贈冀州刺史假滄水公

高讜允從父謚康 光祿大夫贈太常高祐字子集讜

子太和二十三年太常議謚惕詔以不遵上命謚為靈

征虜將軍中散大夫贈平東將軍滄州刺史建康子

高顥字明賢祐孫宣武時謚惠 驍騎將軍徐州行臺

高諒字修賢顥弟正光中為元法僧所害謚忠

齊州刺史贈散騎常侍燕郡公韓麒麟昌黎棘城人太和

十二年謚康

征北大將軍司空河東王苟頹代人太和十三年謚僖

後將軍贈平北將軍并州刺史苟資頹子延昌末謚愍

下邳太守晉陽侯辛紹先隴西狄道人太和十二年謚惠

征虜將軍大中大夫贈後將軍幽州刺史辛穆字叔

宗紹先子孝昌二年謚貞

秘書監鄭義字幼麟榮陽開封人太和十六年謚文靈

初尚書奏謚宣詔曰蓋棺定謚先典成式激揚清濁政道明範義雖夙有文業而政缺庶清尚書何乃情遺至公愆違明典依謚法博聞多見曰文不勤成名曰靈可贈以本官加謚文靈

齊州刺史贈兖州刺史榮陽伯鄭懿字景明義子永平三年謚穆

秘書監鄭道昭字僖伯懿之弟熙平元年謚

文恭 榮陽太守贈冠軍將軍豫州刺史開封侯鄭穎

考義從兄子孝文時謚惠 濟州刺史輔國將軍贈本

將軍豫州刺史鄭尚義從子謚惠 衛將軍右光祿大

夫贈尚書右僕射鄭士恭義弟永熙中謚貞 鴻臚少

卿鄭胤伯義兄子謚簡 司州別駕贈散騎常侍兖州

刺史鄭幼儒胤伯子謚景

司徒山陽郡公尉元字苟仁代人太和十七年謚景桓

恒州刺史博陵郡公尉翊元子謚順 尚書左民郎中

贈鎮將軍洛州刺史尉靜寬翊弟謚敬

秦雍二州刺史遼西郡公贈假黃鉞大宰燕王馮朗遼西

人文明太后之父太后臨朝追謚宣 車騎大將軍開

府都督洛州刺史贈假黃鉞侍中都督十州諸軍事大

司馬太尉冀州刺史京兆郡公馮熙字晉昌朗之子太

和十九年謚武 司徒車騎大將軍太子太師贈假黃

鉞使持節大司馬領司徒侍中都督太師駙馬都尉長樂郡公馮誕字思政熙之子太和十九年謚元懿

時有司奏謚詔曰按謚法善行仁德曰元柔克有光曰懿昔貞惠兼美受三謚之榮忠武雙徽錫兩號之茂式準前迹宜契具瞻既自少綢繆知之惟朕按行定名謚曰元懿

太子中庶子贈散騎常侍營州刺史高道悅字文欣遼東新昌人太和二十年為子恂所殺謚貞尚書左外兵郎贈通直散騎侍郎高觀道悅弟謚閔

使持節都督吳越楚彭城諸軍事大將軍贈假黃鉞太傅領揚州刺史宋王劉昶字休道南宋義隆子太和二十

一年謚明

平遠將軍贈青州刺史壯武侯房法壽清河繹幕人太和

中謚敬步兵校尉領尚書郎齊州中正贈洛州刺史

房景先字光曹法壽族子神龜元年謚文濟南太守

攝洛州事贈平東將軍齊州刺史房士達法壽從祖弟

永熙二年謚武司空詔議立忠將軍贈南青州刺史

房堅字千秋宣武時謚懿

平東將軍青州刺史范陽公鄴範字世則范陽涿鹿人孝

文時謚穆

大中大夫贈秦州刺史抱賄生安定石唐人孝文時以子疑為官官有寵謚靖

寧南將軍肆州刺史贈太師司徒公錄尚書事梁郡公爾
朱代勤北秀容人孝文時謚莊散騎常侍平北將軍
贈太師祖國西河郡王爾朱新興代勤子正光中謚簡
使持節侍中都督河北諸軍事天柱大將軍大丞相
太師贈假黃鉞相國錄尚書事司州牧晉王爾朱榮字
天寶新興子莊帝永安三年謚武此賊臣也而謚太
常卿開府儀同三司侍中特進贈司徒爾朱菩提榮長
子前廢帝初謚惠
東徐州刺史桐廬縣子贈青州刺史安平侯崔鑿字神具
博陵安平人孝文時謚康驃騎大將軍儀同三司贈
尚書令司徒公崔康鑿子天平四年謚靖穆中軍將

軍光祿大夫贈車騎將軍尚書右僕射定州刺史蒲陰
男崔季良秉之小子謚簡平遠將軍武邑太守崔辨
字神通鑿從祖弟謚恭昭武將軍光州刺史贈輔國
將軍幽州刺史崔挺字雙根辨從父弟景明四年謚景
龍驤將軍河東太守贈本將軍南兗州刺史崔振字
延根挺弟宣武永平中謚定趙郡太守崔孝暉字敬
業挺子莊帝時謚簡廣平太守贈平東將軍高邑男
崔孟舒字長才挺從弟瑜之子謚康大中大夫贈濟
州刺史臨淄男崔敬邕挺從祖弟神龜中謚恭
協律中郎都昌子劉休賓都昌人孝文時謚貞
征虜將軍河東太守贈本將軍華州刺史尋陽伯趙超宗

天水人世宗宣武時謚成 平西將軍汾州刺史贈安南將軍豫州刺史趙遐超宗族孝明時謚襄

使持節散騎常侍都督豫州刺史征南將軍贈驃騎大將軍開府儀同三司蘭陵郡公裴叔業河東聞喜人世宗

景明元年謚忠武 輔國將軍中散大夫贈平南將軍

豫州刺史裴譚叔業子謚敬 渤海相雍丘縣子裴彥

先叔業兄子延昌中謚惠恭 渤海太守贈平南將軍

豫州刺史觀津子裴瑜字文琬叔業弟之子謚定 東

郡太守贈散騎常侍高城侯裴炯字休光叔業從孫孝

昌二年謚簡

通直散騎常侍贈汾州刺史李彪字道固頓丘衛國人景

明二年謚剛憲

明二年謚剛憲

都水使者將作大匠贈龍驤將軍青州刺史將少游樂安

博昌人性機巧能刻畫制器景明二年謚質

揚州刺史贈侍中司空公昌國縣侯王肅謚恭懿瑯琊臨

沂人景明二年有司奏肅貞心大度宜謚匡詔謚宣簡

散騎常侍光祿大夫右將軍幽州刺史兼秘書監給

事黃門侍郎贈尚書左僕射司空公王誦字國章肅兄

融之子孝莊初河陰遇害謚文宣 侍中贈尚書令司

徒公王衍字文舒誦弟天平三年謚文獻

太常卿光祿大夫高閭字闡士漁陽雍奴人景明三年謚

文貞一單謚文

贈梁州刺史追封安平縣子江悅之字彥和濟陽考城人

正始三年謚莊

平陽太守贈光州刺史成淹字李文上谷居庸人正始時

謚定

侍中駙馬都尉殿中都官尚書左僕射贈征南大將軍定

州刺史中山王李蓋中山人謚莊 雍州刺史征南大

將軍長安鎮大將贈使持節驃騎將軍開府儀同三司

定州刺史中山公李惠蓋之子思皇后之父為文明皇

后所忌見殺正始初贈官追謚莊

厲威將軍贈左光祿大夫渤海公高颺渤海菑人文昭皇

后之父宣武時追謚敬 贈安東將軍都督青州刺史

高偃字仲游颺孫宣武后父正始中謚莊

假節行華州事贈南青州刺史李叔彪渤海菑人永平四

年謚穆 齊王開府諮議參軍征東將軍兼散騎常侍

贈驃騎大將軍儀同三司冀州刺史李象字孟則叔彪

族興和三年謚文簡

大中大夫贈幽州刺史雲陽伯鄭演開封滎陽人謚懿

通直散騎常侍雲陽伯鄭長猷演子永平五年謚貞

光祿大夫平北將軍贈安東將軍齊州刺史徐謩字成伯

丹陽人善醫延昌初謚靖

太常卿贈鎮東將軍徐州刺史劉芳字伯文彭城人世宗

延昌二年謚文貞 安南將軍大司農卿贈徐州刺史

劉懌字祖忻芳子謚簡 太尉司馬贈持節前將軍南秦州刺史劉懋字仲華芳從子熙平二年謚宣簡

選部給事中贈安南將軍洛州刺史弘農公楊懿弘農華

陰人謚簡 贈鎮西將軍雍州刺史華陰伯楊播字延

慶懿子延昌二年謚莊 司空侍中尚書令贈大將軍

太傅楊津字延祚播弟太昌初謚孝穆 尚書左丞金

紫光祿大夫贈車騎大將軍儀同三司幽州刺史楊遁

字才山津長子太昌初謚恭定 光州刺史贈都督豫

郢二州刺史華陰男楊逸字遵道津次子太昌初謚貞

洛州刺史贈弘農公楊暉播族祖謚簡 七兵尚書

北道大行臺恒州刺史懷朔鎮將軍臨貞縣伯楊鈞播

族弟謚恭 都督東雍華二州諸軍事驃騎大將軍開

府儀同三司華州刺史陽夏侯楊儉鈞子謚靜

齊州刺史贈兗州刺史汶陽縣伯孟表字武達濟北蛇丘

人延昌四年謚恭

高陽太守贈平遠將軍光州刺史劉文畢本平康人後家

北海之都昌延昌中謚貞

都水使者贈洛州刺史韋雋字穎超京兆杜陵人肅宗孝

明熙平元年謚貞 豫州刺史西襲縣男韋子粲字暉

穆雋子謚忠

贈兗州刺史高密侯韋道福閩從叔謚簡 大中大夫行

幽州事贈南交州刺史杜縣侯韋欣宗道福子謚簡

鎮遠將軍太尉諮議參軍贈青州刺史霸成侯常珍字

靈智閩族弟永平元年謚懿

長史兼尚書贈撫軍將

軍雍州刺史陰盤縣男常或字遵慶珍子孝昌元年謚

文侍中雍州刺史杜縣子常肅字遵顯或弟永安三

年謚宣

冠軍將軍尚書左丞贈安南將軍并州刺史高都公慕容

琚謚簡都督朔州刺史定陶男慕容契琚孫熙平元

年謚克

寧朔將軍步兵校尉贈龍驤將軍朔州刺史劉社生代人

熙平初謚克

光祿大夫贈平西將軍秦州刺史乘氏伯席法友安定人

熙平二年謚襄

征南將軍金紫光祿大夫散騎常侍贈征東大將軍鄂州

刺史曲陽縣伯田益宗光城蠻熙平二年謚莊

散騎常侍安東將軍瀛州刺史贈撫軍將軍雍州刺史濮

陽縣侯夏侯道遷譙國人熙平時謚明

尚書右僕射侍中車騎大將軍贈司空靈壽縣公于忠字

思賢本字千年代人肅宗神龜元年謚武敬

忠卒有司奏太常少卿元端議按謚法剛強正直曰武

怙威肆行曰醜宜謚武醜公太常正卿元修義議忠盡

心奉上剪除凶逆依謚法除偽寧真曰武夙夜恭事曰

敬宜謚武敬公二卿不同靈太后令依正卿議

征北將軍定州刺史贈司空于勁字鍾葵忠從父謚恭
莊 鎮南將軍肆州刺史于須勁弟謚武 征東將軍
贈都督冀定二州諸軍事衛將軍尚書僕射儀同三司
于昕忠從父敦之子天平中謚文恭 通直散騎常侍
贈右將軍洛州刺史于礫忠從父果之子謚哀 司徒
掾贈鎮遠將軍洛州刺史于祗礫弟謚悼

光祿大夫贈瀛州刺史孫惠蔚字叔炳武邑武遂人神龜
元年謚戴

司徒公侍中贈假黃鉞使持節侍中相國都督中外諸軍
事太師領太尉八司州牧太上秦公胡國珍字世王安
定臨涇人靈太后父神龜元年謚文宣 殿中尚書中

書監侍中贈開府儀同三司雍州刺史東平郡公胡祥
字元吉國珍子謚孝景 中書監侍中贈太師太尉公
錄尚書事雍州刺史濮陽公胡僧洗字湛輝國珍兄子
天平四年謚孝貞 岐涇二州刺史贈太師太尉公錄
尚書事臨涇公胡寧字惠歸僧洗子初謚孝穆後以女
為清河王直妃改謚孝昭 司空公贈太傅太尉公尚
書僕射徐州刺史安陽侯胡虔字僧敬寧之子興和三
年謚宣 冀州刺史贈司徒公錄尚書事定州刺史陽
平郡公胡盛字歸興寧弟謚懿穆

光祿大夫征西將軍贈使持節衛將軍冀州刺史平陸侯
張彞字慶賓清河東武城人神龜二年為其子仲瑀欲

排抑武人羽林軍士捶辱之因卒謚文 尚書郎贈樂陵太守張始均字子衡彞子神龜二年爲羽林軍士投於火卒謚孝

中山內史加平北將軍贈豫州刺史恒縣伯王世弼京兆霸城人肅宗正光元年謚康

光祿大夫贈撫軍將軍青州刺史高聰字僧智本濮海脩人後家北海之劇縣正光元年謚獻

殿中尚書贈尚書右僕射崔休字惠盛正光四年謚文貞岐州刺史贈平東將軍濟州刺史劉道斌武邑灌津人正光四年謚康

前將軍贈輔國將軍太常少卿楊固字敬安北平無終人

正光四年謚文

司徒侍中國子祭酒贈太傅尚書令驃騎大將軍開府冀州刺史平恩縣侯崔光本名孝伯字長仁孝文賜今名東清河郇人正光五年謚文宣 征虜將軍平州刺史贈使持節征東將軍齊州刺史崔長文字景翰光從祖弟天平初謚貞

尚書僕射贈車騎大將軍儀同三司崔亮字敬儒清河東武城人明帝時謚貞烈 龍驤將軍贈都督青州刺史五等男崔士泰亮子建義初河陰遇害謚文肅

侍中贈司徒公尚書左僕射甄琛字思伯中山無極人正光五年謚孝穆

初琛謚文穆吏部郎袁翻駁曰按禮謚者行之迹也故
闔棺然後定謚皆累其生時美惡所以爲將來勸戒身
雖死使名常存也凡薨亡者屬所卽言大鴻臚移本郡
大中正條其行跡功過承中正移言公府下大常詔史
士評議爲謚列上謚不應法者博士坐如選舉不以實
論若行狀失實中正坐如博士自古帝王莫不殷勤重
慎以爲褒貶之實也今之行狀皆出自其家任其臣子
自言君父之行無復是非之事臣子之欲光揚君父但
苦跡之不高行之不美是以極詞肆意無復限量觀其
狀也則周孔聯鑲伊顏接袵論其謚也雖窮文盡武罔
或加焉然今之博士與古不同惟知依其行狀又先問
其家人之意臣子所求便爲議上都不復斟酌與奪商
量是非致謚號之加與汎階莫異專以極美爲稱無復
貶降之名禮官之失一至于此按甄司徒行狀至德與
聖人齊蹤鴻名共大賢比迹文穆之謚何足加焉但比
來贈謚於例頗重如甄琛之流無不復謚謂宜依謚法
慈惠愛民曰孝布德執義曰穆宜謚曰孝穆公自今以
後明勅太常司徒有行狀如此言辭流宕無復節限者
悉請裁量不聽爲受必準人立謚不得甚加優越復仍
踵前來之失者付法司科罪從之時孝明帝正光五年
也

車騎將軍北徐州刺史贈驃騎大將軍儀同三司瀛州

刺史甄密字叔雍琛從父弟興和四年謚靖

開府徐州大都督贈太尉公魏昌縣伯李崇字繼長頓丘人肅宗孝昌元年謚武康 武衛將軍給事黃門侍郎

領中書舍人贈侍中司空公湘州刺史李神軌崇子河陰遇害建義初謚烈 尚書右僕射加散騎常侍贈侍

中驃騎大將軍儀同三司冀州刺史武邑郡公李平字曇定從弟熙平元年謚文烈 高陽王友贈洛州刺史

李邕字修穆平之子謚文

光祿大夫右丞持節西道行臺贈平北將軍幽州刺史張普惠字洪振常山九門人孝昌元年謚宣恭

侍講中書舍人贈尚書左僕射賈思伯字士休齊郡益都

人孝昌元年謚文貞 侍中贈尚書右僕射司徒公

陵縣男賈思同字士明思伯弟興和二年謚文獻

使持節平南將軍兖州刺史假彭城公贈撫軍將軍衛尉

卿畢元賓東平須昌人謚平 贈冠軍將軍徐州刺史

鉅平侯畢眾愛元賓從父謚康 軍司馬贈散騎常侍

兖州刺史鉅平伯畢闡慰字子安眾愛子孝昌元年謚

恭

使持節征西將軍贈車騎大將軍開府儀同三司定州刺

史新豐子崔延伯博陵人沒於陣肅宗孝明持謚武烈

懷朔鎮將宇文福河南洛陽人其先南單于之遠屬孝明

時謚貞惠

寧陵令石祖興常山九門人靈太后臨朝以李韶奏謚恭使持節散騎常侍都督揚州刺史征西將軍贈使持節車

騎將軍儀同三司雍州刺史東光伯郭祚字季祐太原晉陽人為于忠所害靈太后臨朝謚文貞

北平將軍羊祉字靈祐太山鉅平人靈太后臨朝謚景

初太常少卿元端博士劉臺龍議謚曰祉志存埋輪不

避強禦及贊戎律熊武斯裁仗節撫藩邊夷識德化沾

殊類襁負懷仁謹依謚法布德行剛曰景宜謚曰景侍

中侯剛給事黃門侍郎元纂等駁曰臣聞惟名與器弗

可妄假定謚準行必當其迹按祉志性急酷所在過威

布德罕聞暴聲屢發而禮官虛述謚之為景非直失於

一人實毀朝則請還付外準行更量虛實靈太后從之

於是端臺龍上言竊惟謚者行之迹狀者迹之稱然尚

書銓衡是司釐品庶物若狀與迹乖應抑而不受錄其

實狀然後下寺依謚法準狀科上豈有舍其行迹外有

所求去狀去稱將何所準檢祉以母老辭藩乃舉手詔

云卿綏撫有年聲實兼著安邊寧境實稱朝望及其歿

也又加顯贈言祉誠著累朝效彰內外作牧岷區字氓

之績驟聞詔冊褒羨無替倫望然君子使人器之義無

求備德有數德優劣不同剛而能克亦為德焉謹依謚

法布德行剛曰景前議為允司徒右長史張烈尚書李

韶等又列奏靈太后乃從前議

京兆王長史贈平東將軍交州刺史羊靈引社弟謚威
廣平太守贈衛大將軍吏部尚書交州刺史羊敦字
元禮社弟子興和初謚貞

鎮北大將軍內外三都大官贈幽州刺史長進侯奚直河
南洛陽人其先代人謚簡 撫軍大將軍河南尹贈都
督冀瀛滄三州諸軍事驃騎大將軍司空冀州刺史追
封壽張縣侯奚康生直之子爲元乂所害靈太后反政
追謚武貞

殿中尚書右光祿大夫贈司空封回渤海蓆人河陰遇害
敬宗孝莊帝初謚孝宣 平北府長史贈殿中尚書封
興之字祖胄回之子孝昌中謚孝 齊州刺史贈太保

封隆之字祖裔回之子武定三年謚宣懿 青州刺史
贈使持節都督冀殷瀛三州軍事驃騎大將軍尚書左
僕射司徒冀州刺史封延之字祖業隆之弟興和二年
謚文恭

侍御長贈定州刺史章武侯封涅代人謚隱

通直散騎常侍冠軍將軍西南道慰勞大使贈使持節都
督梁益巴東梁四州諸軍事車騎大將軍儀同三司梁
州刺史河陽縣侯李苗字子宣梓潼涪人莊帝時爾朱
世隆之亂浮河而歿謚忠烈

東梁州刺史贈益州刺史淳于誕字靈遠其先泰山博人
後居蜀漢或安國之桓陵敬宗永安二年謚莊

洛陽令贈滄州刺史陽關男高崇字積善渤海脩人永安

二年謚成 國子博士贈營州刺史陽關男高謙之字

道讓崇之子為李神軌構陷賜死靈太后時謚康

右將軍南幽州刺史贈司空冀州刺史常旭京兆杜陵人

永安時謚文惠

使持節侍中車騎將軍假儀同三司前鋒大都督趙平郡

開國公費穆字朗興代人元顥以阿陰酷濫事起於穆

殺之莊帝贈侍中司徒公謚武宣

滄州大中正兼尚書左僕射西道大行臺贈開府儀同三

司青州刺史樂陵郡公朱瑞字元龍代郡桑乾人普泰

元年為爾朱世隆所殺太昌初謚恭穆

太傅贈大司馬錄尚書三十州諸軍事侍中桓州刺史恒

山郡王斛斯椿字法壽廣牧富昌人孝武時謚文宣

豫州刺史贈司空公桑乾縣公斛斯元斯椿弟孝武西

巡時為部下所殺謚景

司農少卿光祿大夫董徵字文發頓丘衛國人孝武永熙

二年謚文烈

幽并營安四州行臺燕郡公贈尚書左僕射儀同三司幽

州刺史劉靈助燕郡人善卜筮永熙二年謚恭

右光祿大夫贈尚書左僕射新昌子孫紹字世慶昌黎人

永熙二年謚宣

左光祿大夫散騎常侍驃騎大將軍贈儀同三司定州刺

史魏子建字敬宗鉅鹿下曲陽人永熙三年謚文靜

光州刺史魏鸞字雙和子建族父謚夷

開府儀同三司贈司空雍州刺史華陰男楊騰弘農人文
帝之舅謚貞襄

隴右府長史壽張縣子張軌字元軌濟北臨邑人恭帝時
謚質

秘書監車騎大將軍儀同三司美陽縣男柳蚪字仲盤河
東解人恭帝元年謚孝 并州司會并州總管府長史

康成縣公柳帶常字孝孫蚪弟鶩之子謚愷 宜州刺
史贈鄜綏丹三州刺史柳慶字更興蚪弟謚景

御史中尉肆州大中正開府西道行臺僕射贈太保大尉
公錄尚書事冀州刺史劉貴秀容陽曲人東魏孝靜帝

興和元年謚忠武

領軍將軍贈太師大司馬太尉錄尚書事万侯洛太平人
其先匈奴之別種興和初謚武

衛大將軍東徐州刺史贈驃騎大將軍司空公兗州刺史
張燿一名燿字景世自云南陽西鄂人興和三年謚懿

驃騎大將軍儀同三司豫州刺史贈司徒堯雄字休武上
黨長子人興和四年謚武恭一單謚恭 安州刺史贈

使持節督滄瀛二州諸軍事尚書右僕射滄州刺史樂
城郡公堯傑字永壽雄從父兄謚實 臨洮太守贈龍

驤將軍堯遵雄從父謚思

主書郎贈建武將軍定州刺史高邑子堯方生謚敬

衛大將軍中書令贈驃騎大將軍開府儀同三司都督幽

州刺史山偉字仲才河南洛陽人其先代人孝靜時謚

文貞

滎陽中山太守贈衛大將軍都官尚書瀛州刺史蘇淑字

仲和武邑人孝靜武定初謚懿

侍中太子太保開府儀同三司贈司空蘭陵郡王蕭正表

字公儀梁武帝弟武定七年奔魏其冬卒謚昭烈

徐州刺史贈青齊二州軍事司空青州刺史王則字元軌

太原人武定時謚烈懿

北海太守贈驃騎大將軍洛州刺史辛珍之隴西狄道人

武定時謚恭

儀同三司雍州刺史右衛大將軍贈侍中司空公涇陽縣

公皇甫集謚靜

金紫光祿大夫贈中書監幽州刺史祖慎范陽人謚惠

扶風太守贈鎮西將軍遼西公常亥遼西人高宗乳母常

太后曾祖謚簡 渤海太守贈侍中征東大將軍太宰

遼西王常澄亥子謚獻 平州刺史遼西王常英澄子

謚平

河中太守贈岐州刺史柳崇字僧生河東解人謚穆 安

東將軍光祿大夫贈衛大將軍雍州刺史柳暢字叔智
崇族子謚穆

殷州刺史贈司空彰武伯綦儁字擲顯河南洛陽人其先
代人謚文貞

平東將軍營州刺史贈平南將軍并州刺史建安公張偉
字仲業太原中都人謚康

衛將軍本州大中正兼廷尉卿贈太僕卿濟州刺史竇瑗
字世珍遼西遼陽人謚明

中書侍郎新豐侯贈湘州刺史魏縣侯杜銓字士衡京兆
杜陵人謚宣 河東太守贈都官尚書豫州刺史杜遇

字慶忌銓子謚惠

河西王右丞相清水公宋繇字體業敦煌人謚恭


扶風太守贈涼州刺史索敞字巨振敦煌人謚獻敞曾為

助教故舊同學生等為之請謚

燕郡太守贈徐州刺史崔隆宗清河東武城人謚孝

河間王長史贈左將軍安州刺史路特慶字伯瑞陽平清


淵人謚襄



續文獻通考卷之一百四十一終

續文獻通考

京廿四



此書... 卷之... 第... 頁... 諸人... 同... 大... 同... 西...

The right page contains faint, vertical Japanese text, which is mostly illegible due to fading and the same water damage seen on the left page. The text appears to be organized into columns, possibly representing a list or a structured document. Some characters are visible, such as '諸人' (everyone) and '同' (same), but the rest is too light to read accurately.

